



邁孫重鑊靈芬館詞甫竟高君龔甫出所藏爨餘詞一卷相  
脉蓋道光壬午冬頤伽先生寓樓不戒於火後從友好鈔集  
而成者邁孫得之如獲拱寶亟爲補綴以成完璧龔甫之有  
功於靈芬爲不淺矣古人遺文墜業散佚不傳者不知凡幾  
世有如邁孫龔甫其人者爲之搜輯而存之吾當鑄金事之  
尤願邁孫力充此意於無窮已也庚辰二月秀水沈景修記



記

一

麀餘詞卷一

吳江郭麀祥伯著

仁和許增遺孫刊

河傳

茶蘼題碧梧女士  
畫扇六首

春晚人倦起來遲額角輕黃退時二十平四番風信吹絲絲  
枕函殘夢知 入骨甜香濃似酒簾卷後小試折枝手步池  
塘過回廊恩忙鈎他宮裏長

清平樂

紫丁香

團香蹙繡一剪春風皺十索新詞渾未就贏得了孃消瘦  
芭蕉不展微陰含豪幾度沈吟付與閒愁百結不成沒箇同

麀餘詞卷一

心

南鄉子

茉莉

小玉雪肌膚道是珠孃道是吳一種卻教儂艷羨花奴得斂  
船舷見彼姝 綺夢半銷除振觸閒情尙爲渠記得夜涼人  
睡醒紗幘愛問雲鬢墮也無

憶秦娥

秋海棠

秋如水露涼風細添顫添顫頰何曾得似那時濃睡 一  
番薄病扶初起爲伊立向空階裏空階裏亂蛩殘月冷清清  
地

洞仙歌

落梅

人間無地著春愁，千斛一夜東風與埋玉。算玲瓏骨，葬向空山也勝似。蚤蚤安排金屋，招魂來紙上。斷粉零香猶是眉閒舊時綠。莫道不相思，點點啼痕已漬滿。輕綃十幅待夢到西冷去，尋伊怕別院樓頭，又吹橫竹。

浣溪沙

蘭花

髻髯銅餅見露苗，疏花嫩蕊澹含嬌。湘江清淚滴春潮。豈有心心同婉變，并無葉葉助風標。斷腸一集是離騷。

臺城路

和蔚堂題楊白花詩意卷子韻

不勝淒黯江南夢，濛濛慣隨春去。水驛波寒，山亭風緊，身世

曩餘詞卷一

二

有誰爲主迷離如許。記曾向長隄那邊呼渡，一帶絲楊，漪鬪不是舊時路。紗窗才拓，幾扇只捲簾人起。初見飛度燕子，關心伯勞偷眼，尚有流鶯相訴。東風辛苦問吹皺，池塘送伊何所。打漿蘋洲，和儂漁逐譜。

憶舊遊

滄嶼園故址

見蘆芽抽碧菜，甲攬青柳，綫搓黃路。轉荒城，角牘鸞環漫水，圍住陂塘著意。灑灑冶冶分綠上，魚石想盪槳船歸。瀟瀟人去，留下波光。中央儼孤嶼，是平遠江山，鷗鷺家鄉。小立斜陽裏，指斷霞明處，昔日紅牆。塵世幾堪俛仰，隨地有滄桑。待菡萏花時，還招野客乘晚涼。

行香子

題小迂畫扇送老薑返揚州

蠶老柔桑鶯老垂楊又匆匆送盡春光送春送客同在他鄉  
乍月隴隴雲澹澹雨浪浪 豆莢初嘗芍藥能香有人正  
夢維揚勸伊小住弭棹橫塘待櫻桃爛梅子熟枇杷黃

齊天樂

真州見杏花盛開

江南何處無煙雨先生者回歸未淮浦飄收揚州夢破墮入  
紅雲隊裏烏篷搖曳早樸樹灣頭一旗酒貫卅里天桃愁春  
未醒尙濃睡 江湖載酒無端笑梅花開過猶自留滯今日  
重三明朝百五又見老烏銜紙樹猶如此銷燕燕鶯鶯幾番  
身世賣到樓前曉妝人定起

柳梢青

龔餘詞卷一

三

子貞招遊湖上題酒家壁

如畫春城乍寒暫暖似雨還晴梅萼將飛桃枝欲放柳色才  
青 良時令序難并算者度韶華有情昨夜初三今朝寒食  
來日清明

瑤華慢

小金山梅花欲殘香雪猶浮動山水閒

煙痕乍禁褰事初修尙薄寒時節雙槩掠波已喜得橋外水  
光先活香南雪北賸一片冷雲明滅想妙高臺最高寒未有  
玉人橫笛 獨欵烏帽來尋認月觀風亭步步幽絕清遊較  
晚早滿磴落英如積斜陽澹處又鉤起二分新月任隔牆梵  
放催歸未許翠禽啼歇

憶舊遊

過揚州未得尋樗園悵然作此

又煙花三月浩盪扁舟來問隋宮不待珠簾捲向管絃聲裏  
別去匆匆記得舊巢痕在禪榻占春風有竹影便娟若花妍  
媚桂樹丰茸於中多好事會歌邀子夜曲懊吳儂酒人兼  
狹客愛翻香令小減字聲重一點綠毛云鳳容易傍梧桐問  
今度桃花何如昔日人面紅

夢橫塘

糧艘浣衣女郎婉頰可念感而賦之

文魚銜尾綵鷁排頭移來一痕波輒小小窗櫺正雨過筠簾  
齊捲越紉裁前吳棉坼後停鍼人倦趁洗頭盆好蘸碧按藍  
猶憐取餘香染知伊住近橫塘有機中素織石上紗澣髻  
綰拋家便一任絮萍漂轉算直北風埃撲鬢只恐羅衣暗中  
換弄暝天光柁樓晚飯想心情都癩

龔餘詞卷一

四

一翦梅

贈荻君

夾轂相逢問狹斜樓上琵琶門外枇杷風吹多少肯來耶臣  
里東家吳苑西家澹澹藤蘿映月華好片圓沙好浣溪紗  
鴛鴦頭白記些些不是楊花不是蘆花

貂裘換酒

題小農停杯顧曲圖

宛轉提壺喚泛觥船百分一棹花滿酒滿絲竹中年須陶寫  
隨分玉簫金管有兩兩蟲蟲燕燕薄醉不消判茗芋已研羅  
裙畔春寒淺綽板促急觴緩廿年前事韶華換又相逢饗  
邊捉卧依然酒伴後院綺筵休著我杜牧狂言原慣早猜出

護花人面嚙蕊吹香了無悞問檀郎何事頻回看淨大白莫  
辭勸

買陂塘

雲臺先生寓京邸時有小園太常寺仙蝶嘗一再  
見之花前舊藏董文敏詩筆有蝶夢之句因取以  
名園且繪爲圖而裝詩筆於前摹仙蝶於後屬賦  
算王城萬人如海惟餘傲吏能隱阜城門內岡南畔尺五去  
天差近花成陣仗廿四番風次第催芳信廊腰井吻有芍藥  
亭欹茶蘼架重容易落紅權 容臺叟便面銀鉤猶印墨痕  
如此芳潤漆園有道羲皇上那屑六朝金粉頻問訊識此客  
人閒不羨朱衣引圖書經進好平地歸來小園賦罷黑蝶繞  
雙鬢

暴餘詞卷一

五

高陽臺

病酒

似夢還醒將眠又起今朝直恁無聊未展屏山帳紋時動冰  
綃數聲啼鳥驚人覺已懨懨紅日花梢喚茶甌眼倦倦微搓舌  
強須澆 天涯没个閒消遣况故人重見俊侶都招雪白花  
紅那禁物色相撩元龍豪氣隨年減算而今祇讀離騷計行  
程私祝江風莫阻歸橈

鵲橋仙

留別菽君

鷗侶同波秋心比潔野水荒灣愁別多應石上有前期又墮  
我一丸蘿月 莫是潯陽夜來送客醉貌略如楓葉天寒日  
暮定相思判畫到爐灰成雪

水調歌頭

曼生屬題其大父魯齋先生釣鼈圖

陳登湖海士李白地行仙置身只合蓬島九點渺齊煙截得  
孤生之竹綴以一丸明月引手六鼈連最好不貪寶閒任老  
龍眠 螭幻立熊軾畫賦歸田騎鯨一笑天上披髮去翩然  
今日繫舟山下尙有讀書孫子小割試烹鮮待爾政成後同  
放五湖船

買陂塘

題種水圖用原韻

笑村農何曾學稼釣徒或者堪擬隨身但有閒漁具那用鶴  
頭鴉背如此水便都變良田盡種長腰米也能餘幾要秫釀  
春醪糧分瘦鶴花插百弓地 揚州夢中酒阻風聊爾灌夫

纂餘詞卷一

六

會畜爲弟

君與余齊  
年月小耳

封侯老矣知無分亭長新銜魚計浮世

事恨漁父相纍不得同時醉掃除家累約一舸相從五湖許  
泛分取畫中意

原作

曹言純

宅清漳中央南北前賢軌躅難擬由拳城外誰爲伴鷗鷺

招來沙觜畔白水拚羹飽莼絲香飯炊菰米田園贖幾笑

兩槩綠流一篙蹋浪那有卓錫地 形容頓無分登瀛畫

爾家風漁父兄弟魚陂千石封侯等也乏計然心計身外

事算儘付蓑衣獨速船頭醉閒情自累只笠澤編書費洲

譜遂未了舊時意

風蝶令

題伯生香嬰室圖



館是童初築山仍羣玉居神仙何事最關渠聞說三千玉女  
盡知書 傳得嬋娟影憑將樓閣圖新宮一記待儂無還要  
蠶眠細字倩麻姑

菩薩蠻

題雙紅豆圖

東風在手靈苗活南園紅豆春來發接葉更交枝一雙兩小  
時 長真高閣好閣裏人難老記曲喚紅紅芳名也愛重

買陂塘

題改七香少年聽雨圖

最銷魂蕭蕭暮雨吳娘舊曲曾聽畫船櫂轉花兒外六扇窗  
紗紅近眠未肯任宰地香羅垂下流蘇等九枝鐙檠照入影  
幢幢屏風曲曲容易卸妝竟 歡場好只倚少年豪橫花前

樂餘詞卷一

七

醉倒休醒星星一點來頭上便與歌樓無分君也省要招此  
無家同住清涼境香鐙清磬儘蝙蝠拂簾芭蕉繞屋欹枕睡  
來穩時有破山寺  
結夏之約

滿庭芳

題呂卿香蘅館圖

蘿帶飄煙荔裳襄雨高館儘好吟秋楚詞課罷容易眸牢愁  
是處疏簾不捲盪瀟湘一片雲浮閒行徧芷畦蕙圃隨意小  
勾留 前修思屈宋美人香草寄託深幽便微詞多有也足  
風流好在桐花萬里肯同他顛顛江頭只憐我王孫游倦歸  
思滿芳洲

水龍吟

題曼生石門聽瀑圖

青天何處龍吟濛濛吹出漫空雪松檜萬壑冰絲千縷琴心  
三疊洞口雲荒山中鶴老何來此客想謝公去後石門深鎖  
留好景與誰說海上歸來時節儘雍容閒尋風月簫笳聲  
斷箏琶耳洗一時清絕木葉羣飛四山皆響蒼然寒色詭詭  
珠璣玉銀河垂處有仙人謫

聲聲慢

和慈仲坐雨之作

蓬蓬尙遠浙浙將闌漚騰不辨朝昏汝南雞好虧他猶記蕭  
晨硯池一泓殘墨爲昨宵留住愁痕還題句要裁雲剪月逗  
一分春差喜歸來相對正鏡花粲檠杯竹傳根才卸征衫  
又煩洗卻征塵微吟淺醉休輕視勝他時遠道懷人判醉也  
便取次書徧練君

曩餘詞卷一

八

買陂塘

稼庭以藕香來歸繪圖紀事余題種藕成蓮四字  
於首頁并系以詞

買陂塘玻璃十頃請看綠淨難唾東西南北皆蓮葉除是江  
南才可開一朵認妙法華鬘不受青泥沈移根帖妥儘曲檻  
低憑畫欄閒倚月曉未愁墮臺城路聞說莫愁曾過沈吟  
佳約能果鷺猜鷗妬更番事直得銷魂眞箇浮一舸也勝似  
秦淮漆板紅船播修眉休鎖笑栳棹波迴鴛鴦夢穩雙調唱  
還和

齊天樂

單鶯臣司馬夢回圖用穀人祭酒韻

儘銷一枕遊仙意繩牀木榻堪埽栩栩回初惺惺斷後只有

靈光孤照綠天遮了任雨覆雲翻不將公惱影事前塵黑甜  
鄉裏最幽悄人閒世事都幻付漁蓑滄浪睡起成笑石鼎  
茶香瓦鐺飯熟誤卻浮生多少醒來也好奈白日黃雞一齊  
催曉我亦揚州十年留賸稿

買陂塘

題琴鳴邪溪漁隱第二圖用飲泉韻

記年時青鞵布韉沿緣尋徧煙水樵青打槩漁童唱鶯得浣  
紗人起重到未悔如此溪山不把扁舟繫住爲佳耳看劍外  
官人湖邊老監鄉夢晝圖裏男兒事出處要非無意再三  
想見高寄三千六百瑣溪釣何似一竿風細儂試擬怕比似  
鴟夸太早五湖計鱸魚雖美又驛吏催人街亭排馬風雪促  
征騎

曩餘詞卷一

九

賣花聲

題李子木煙泉蘿壁看子

青玉削嵯峨秋影羅羅坐來寒翠溼衣多領取風泉歸一壑  
彈入雲和卜築傍岩阿老子婆娑郎君撰杖侍行窩肯信  
有人空谷裏日暮牽蘿

臺城路

宣窰蟋蟀盆

秋風吹換人閒世此中貯秋聲者似鏡能圓比甌無缺還勝  
香姜殘瓦提攜羅帕慣阿監青蛾聽來長夜別盡苔痕棘鍼  
花草極妍雅一行小款誰寫怕銅仙漢苑鉛淚如瀉金鼎  
香熏錦堂詞麗都付冷攤評價宣德銅槃多刻錦堂春詞千金注也笑蟲  
達侯封論功此亞譜入唐風水天兒女話

綺羅香

同人集文蔚山房酒閒爲柳東題朱竹翁瑞蓮詞  
冊卽用竹翁第一首韻

別院鐙紅照檐梅白夜酌正開春甕閒話詞仙杯底酒波如  
涌新聲倚羅綺香餘遺墨在文章綠重應笑他頭白曹侯買  
來一水也思種種水有和作菱池槐汧都廢那有紅衣翠蓋水  
風涼送蘧譜費洲吹醒老漁殘夢積膺外卧柳將青斷約下  
員紋欲動問何時更擢蓮舟藕絲同雪孔

如此江山

西齋七十二賢峰草堂圖用琴隲韻

十年蹋徧西湖路西谿獨遲搜討晚港尋煙秋華殢雪可許  
蘆中人到山阿窈窕似羅列成行曲眉齊埽者箇茆堂分明  
指點出林表 余懷天際渺渺風塵都倦矣陳跡還蹈兩鬢  
先絲一椽未卜慚媿白鷗吾導眼中了了只東野詩工有山  
難抱筵譜蘋洲聽歌應絕倒

浪淘沙

己丑除夕閱種水削縷詞中有和周晉仙明日新  
年一闕輒和其韻未免見獵之喜也

驄馬鐵連錢芳艸芊眠載來金鴈與鈿蟬箏柱十三釵十二  
一擗觥觥 舊夢阿誰邊說甚因緣只今禪榻坐蕭然佛火  
爐香清到曉明日新年

壬午十二月廿二日所假館之樓火僅跳而免所著皆  
燼友朋撥拾間以鈔寄不復次第得卽存之頗伽記

邁孫先生靈襟浣月吟吻粲花握雲機之九張兼工眾制墨  
水調之百闕最擅倚聲漱玉液于露葩紉蘭馨于秋佩冥契  
獨結靈芬是師古佛之事鑄同黃金私淑之稱鑄之翠琬瑤  
杼所出瓊絲合奏矣海桑閩變雲葉鮮遺先生慨焉乃發龔  
芸之藏重付雕梨之手合其三種仍爲一編爰以校字得快  
先觀夫緣情造端導源樂府令慢代擅厥義未亡洎近世之  
名流亦清辭之躡起然或銅琶鐵絳寄情于豪宕融朱冷粉  
刻意于蛾曼矜其一體終成單絃吳江扇徽郢歌應節抗墜  
善變宛轉工思緝冰緒于眾家激霜亮于萬吹疑前身爲明  
月是芬塗之導師墜響不振來學安式先生是舉不甚盛與  
抑又知先生家富琅函性耽瓊祕凡昭代諸家之詞或有  
舊編罕觀珍鏤已灰莫不搜笛裏之清聲訂梅邊之小譜玉

跋

一

賤親寫綠笈深緘自茲以往意且以次付刊將使棲塵秋瑟  
並調待絕之朱絃入手元珠彌煥未沈之皓彩則是編之出  
爲嚆矢矣詒壽早嗜言情粗知按譜宗風未味願同一瓣之  
心香文章有神請以片言爲息壤光緒己卯十月山陰王詒  
壽跋

吾輩不肖之徒... 夫猶大... 若女... 在河... 水... 跋...

拜石山房詞

光緒己丑三月  
榆園開雕

重刻拜石山房詞敘

兼塘先生吾友許君邁孫少從受詩學者也先生偃蹇乙科沈淪下僚卒以簡書中吏議蕉萃于晚歲愼而得歸竟死于寇有識哀之先生蚤飲香名詩篇深美而閎約五言善者妙絕時人雖登選樓亦以愧色刻意填詞思旨高迴聲哀厲而彌長又未嘗不折衷柔厚使人識安雅之君子與楊伯夔唱和而清轉華妙反復勝邪先生詞卷近無錫有重刻本皖浙之士求而未過讀者衆老成逝矣遺書如綫邁孫篤念師資手自讐校覆刻于榆園少陵云今茲弟子亦匪盛顏流離頓挫夫有所受觀舞劍器吾且爲邁孫賦之光緒戊子冬仁和

譚獻

重刻拜石山房詞序

一

重刻拜石山房詞敘

敘

詞盛於宋代自姜張以格勝蘇辛以氣勝秦柳以情勝而其派乃分然幽深窅眇語巧則纖跌宕縱橫語物則淺異曲同工要在各造其極而已辛已歲汪丈白也見示七家詞選獲讀蒹塘先生所爲綠秋艸堂詞穆羽均調奇弄迸發深幸竹垞迎陵而後克有嗣音乃駒光勿勿星紀一周良覲未申瑤想時結客冬省視來皖始通警欵見其造襄篋遠著語幽微鵝魂自清鶴影能瘦半面之接得慰乎朝飢一夕之譚若醉乎醕酌坐次出拜石山房詞藁索敘于予予以蟹擘空腹螢燭微明蘭言眇通藻辭奚飾然而芳艸被阪人知其香鳴禽在天眾聞其響流連今昔烏能無言夫意以曲而善託調以杳而彌深始讀之則萬萼春深百色妖露積雪縞地餘霞綺

拜石山房詞鈔卷一敘

一

天一境也再讀之則煙濤瀕洞霜鷗飛搖駿馬下坡泳鱗出水又一境也卒讀之而皎皎明月僂僂白雲鴻雁高翔隊葉如雨不知其何以沖然而澹儵然而遠也至其興遑無際思來不窮夜雨紅樓秋風白紵鬢絲禪榻之傷淒迷詩夢歌扇舞衫之地振觸酒懷春影鏡中淚痕衫上一聲一咽亦怨亦愁卽其變徵之音多益覺豎之和平又況古情橫集遠緒孤牽東泝曲江西經隴水南浮吳楚北陟幽燕懷鉛握槧采九土之異言接席撫塵交四方之奇士敲殘銅斗擊碎唾壺何止賦景蒼茫體物瀏亮爲足拓眼底之屏山酌心頭之井水平冷趣相洽清詞載披洗其淫哇濯以藻麗旣昭藐而蕩氣亦芬芳而悅魂凡姜張清雋蘇辛豪宕秦柳妍麗固已提袂而合唱無俟改弦而更張已僕與先生忝附忘年之交側



聞聲音之道畫苔選譜振遂吹秋顧曲鈔閒賞心弦外與之  
味東澤之綺語參石門之香禪雖略解蟲雕頗知狸別當不  
以牛鐸之音詫非同調也道光甲午春仲上元蔡宗茂謹敘

拜石山房詞鈔卷一 敘

拜石山房詞鈔卷一

無錫顧翰萊塘著

仁和許增邁孫采

菩薩蠻

輕陰閣住瀟瀟雨莫教一霎春歸去  
鸞杪小紅樓有人樓上頭  
卷簾人不見放出雙飛燕  
低首自尋思微風動鬢絲

高陽臺

題羽素女兄綠梅影樓填詞圖

折竹敲風幽泉浣雪詞仙合住高樓  
暝坐圍鑪疏香飛過銀鉤  
凍雲一片寒無鶴只苔陰古石痕  
畱傷檐耳瘦影交橫似到羅浮  
圖中依約尋詩路記左芬才調妙  
句頻按鸞底閒吟  
夢邊艾蒨忘收新詞譜上銀光紙問何如  
綴向釵頭願年年綠萼開時常侍清游

拜石山房詞鈔卷一

一

蘇幕遮

借蘭厓竹畦游澗谿行荷柳影中數里不絕竹畦  
取摩詰田家詩意作圖余與蘭厓各賦一闕題其上  
上栽桑低種芋擬向谿頭跨箇烏犍去纔聽一聲鳩  
嬾語煙翠濛濛又下如毛雨  
竹扉斜茅屋古楊柳陰疏更有荷  
粳補水調風吹歌正苦隔巷何人打起青薯鼓

西江月

已過清明挑菜早先穀雨烹茶小  
桃筍下邗人家會記分錢白打  
遺卻翠鈿何處畫檐低墮松釵  
啜風晴日可來邪剛折秋千一架

湘春夜月

錦樹林訪十玉京墓

澹斜陽山棱翠未全荒堪念櫻拂葵衫瀟灑道家妝便取玉  
京私諡柰松風樓閣仙夢茫茫看煙橫墓石舊時題字瘦不  
成行鉛華都浣盡問梅邨老去誰擅詞場瘞後名雩總難  
銷馬鞞春塢一片幽香棠梨暮雨知柔柔恁處淒涼還應勝  
西冷坏土只游塵飛遠不近繡塘

點絳脣

步上苔茵湘帶百褶羅羅水無人結佩自拾蘭皋翠 曲折  
闌干倚後新紅退心如醉熏人雩氣雩也扶頭睡

浣谿紗

往事思量總惘然緣何愁緒上眉端五更殘夢最難圓 淺  
色羅衣如紙薄只禁輕暖不禁寒憐他微雨倚闌干

拜石山房詞鈔卷一

二

木蘭鸞慢

題金粟道人小象

誰招金粟影摹繭紙展雅又羨快意生平異書奇士更有名  
雩占取玉峰高處有蒼蘿窈窕白雲遮幽沼曾名春艸小亭  
別署秋華堪嗟鞦韆洛陽街結客滿天涯恁斜日園林隔  
江烽火愁聽哀笳未辦一邱埋骨是青山到處便爲家我亦  
櫻鞵桐帽只應投老煙霞

南鄉子

秦淮水榭書所見

簷外聽鳴鳩好座秦淮小畫樓樓上夕陽樓下水回頭人約  
疏簾正上鉤落葉滿銅溝縱有脂香也不流應爲玉闌霜  
訊早空侯帶有風沙出塞愁

高陽臺

題袁蘭邨少府南園春夢圖

穉柳飄煙香苾溼雨玉絲低窳簾紋賸粉零星東風不返桃  
魂前塵惆悵原如夢怪當年夢也如塵認闌干色退輕朱尙  
帶愁痕 桐廊記得鸞環路恁者番重到兀自傷神眉語句  
畱能銷幾箇黃昏綠窗縱守羅衾待怕秦篝冷了餘熏正細  
枝一點玄紅吹過斜門

清平樂

翠陰如埽衰柳長干道扣上綠窗金了鳥總有閒愁飛到  
夫容照影荒渠鏡中蕉萃如余空自朱樓臨水頻年不見雙  
魚

滿庭芳

拜石山房詞鈔卷一

三

題汪紫珊太守碧梧山館填詞圖

簾額樓雲窗眉畫暝碧梧未老疏煙新蟬乍蛻嘶斷已涼天  
吹過一番小雨桐琴影冑上琴絃移竹榻片時支枕隨夢到  
秋邊 俗塵都洗卻惜惜綠暈飛補苔錢看飄來幾葉好替  
蠻牋怪底都霑吟翠溟濛處爲有詞仙閒疑竚西南樓角瞥  
見月初弦

虞美人

書寄伯夔

短屏只畫瀟湘雨屏底涼如許陰陰芳樹綠窺門便是不看  
秋艸也銷魂 未灰心事沈香火獨傍香篝坐秣陵天遠夢  
都無聊寄一行病柳帶蟲書

憶秦娥

琴陰淺青琴三尺橫羅薦橫羅薦冰絲未上玉塵一面眼  
波冷被霜風翦簾前望斷秋無雁秋無雁擣衣聲裏月華如  
練

虞清朝

題葉小鸞疏香閣眉子研拓本

翠帔風吹銖衣月冷碧城人去迢迢小研微凹幾絲猶澆松  
膠句取煙魂一片向綠窗展玩似寒蕉銀鉤字芳名宛在蒼  
玉曾瑯 爲念嬋娟多病料生來慧業卽是愁苗暫謫塵寰  
冂同寫韵文簫只恐秋蛾感損黛螺分影舊痕銷傷情處櫻  
桃零落疏雨瀟瀟研刻開窗一研櫻桃雨  
潤到清琴第幾弦之句

鵲踏枝

簾額春陰生曉翠一寸銀鉤搖漾如空水春色可憐無可奈

拜石山房詞鈔卷一

四

桃萼濃笑楊萼淚 細拾殘香塗粉壘學絮春愁燕子何曾  
睡鏡面塵昏如鏡背鏡中人影添蕉萃

沁園春

晚虹同蘭厓賦

極目高空暝色蒼然長虹下垂怪蔚藍天上忽連複道琉璃  
雲畔偶倚斜梯雁背風輕鳩邊雨斷卻映遙山翠桁低關心  
處忙春晴畫苑乾到粵泥 才人賦後雌霓想縱有知音見  
面稀只纖纖如此罽圍易減慊慊似我渴病難醫一氣香煙  
同心采縷便化秋鸞不隻飛蓬瀛淺只煩伊橫跨不誤幽期

思佳客

秋日齋居卽事

山閣秋晴葉擁階竹風容易做秋懷荒雲一研分泉洗閒傲

元和折腳釵 安茶曰皮詩牌葵萼香刈作清齋車塵埽斷  
門前迹只許幽人印艸屨

菩薩蠻

曲院煙光明一片銅溝幾折流清淺涼透薄羅重芭蕉葉葉  
風分來紅影皺細畫銀鉤瘦紈扇不禁秋書成墨亦愁

高陽臺

將游武林畱別楊大春樵

蕭索空囊淒涼短劍東風吹上吳船小飲離筵春潮綠到津  
亭故人攜手河梁別說歸期輒語丁寧指家山一笠浮空翠  
樹冥冥而今圓合煙湖夢便蘭成身世不怨飄零怕到鱸  
鄉迷離卻又愁醒錢唐好去尋蘇小覆銀沙柳線搓青聽船  
孃欸乃煙歌唱入西泠

拜石山房詞鈔卷一

五

夜行船

吹過新煙鸞漸退砑羅裙記拖春水寂寂屏空愔愔琴瘦聞  
了脂箱粉確燕子梁閒同夢睡阻輕寒一層紗外翠被篝  
香銀缸分火借與薄烘清淚

望湘人

途中寄羽素女兄暨蘭厓竹畦兩弟

望蒼茫暝色淒黯暮陰旅愁飛滿天際短檠搖煙鼓帆翦雨  
獨自柁樓斜倚荷葉跳珠蒲梢夏玉一星星淚便荒干芳艸  
如塵何似謝池夢裏除是自家兄弟料逢迎到處也無情  
味作客天涯況有誰爲知己廡屋苔荒湖田石瘦何日方成  
歸計願釣取小鯉銜書遠溯浙江潮尾

思佳客

湖樓晚眺

不上高樓望眼遮，凭闌今日接天涯。新秋雲似羅衣薄，遠水帆如紙筆斜。魚任買酒堪賒湖邊三兩是，漁家鷺鷥只戀枯荷葉不傷前汀紅蓼萼。

高陽臺

爲嚴脩能上舍題西泠載月圖

水碧分雲煙，青畫樹嫩晴初。上犀鉤，盼到星期涼萼開了牽牛。一匳湖水圓如鏡，說阮央近也，言愁上睂尖。翠冷吳山澹更宜秋。西泠橋外歌船去，羨有人波路，載月同游。笑折荷衣幽題象筆，曾接空齋。莫戀藤蘿雨，恐斜枝墜向簪頭。人香脩有簪萼圖題者甚眾湖蘋汀好趁烏篷，莫負紅樓。

虞美人

拜石山房詞鈔卷一

六

新秋漫賦

曲廊敲几平鋪簟，一水圍三面。可憐閒煞好房櫳，卻值荷萼多病近西風。簷前又上弓弓月，晚傍闌干立。死央生小忒聰明，看他水晶眠夢幾時醒。

齊天樂

爲華秋槎司馬題北山旅舍圖

寓公門逕幽閒極，相鄰段家橋畔。屋向猿租，樓分鶴住，合署秋聲山館。夕陽紅斷，看塔影橫斜，倚來天半。鼻脚初黃，打頭落葉一巾岸。生涯莫悵飄轉，有明湖煙月，付與句管。瘦竹千竿團焦，一笠嵐翠，檐間吹滿。蕭疏鬢短，勝行旅長途，征塵未浣。水石涼邊畫圖先我占。

聲聲慢

余與蘭邨往來白下忽忽一載今夏晤於西湖泊舟  
荷筍中譚讌竟日視夕陽著山額始各分權惟念倉  
山伴侶如良甫伯夔皆不在座爲可惜也

葛嶺浮青蘇隄浸碧水鄉小占漚家門外員流柁痕界斷銀  
沙人眠孤山涼雨憶吟朋蒼鬢天涯湖邊路老魚鏡底吹聚  
蘋萼好浣征衫塵土算眉棱笑展不負年華苦咽冰醪荷  
筒香冷重賒銷得雙鬢低拜旗亭句應勝籠紗催客去恁恩  
恩歸權日斜

百字令

爲郭頻伽題春山蘿玉圖

西冷橋畔記銀蠶曉送左家嬌妹腸斷荒山蘿玉地碧影淺  
分蛾黛雞竹痕班小桃骨瘦流斷涓涓水春墳依舊蘼蕪吹  
上幽翠是誰生色圖成冥冥煙雨著意添蕉萃香冷冬青  
寒食飯沒箇傷心人拜一片殘碑幾行題字扶起斜陽外嗁  
鴉何恨爲渠染徧紅淚

一萼紅

游理安夜宿山寺讀良甫伯夔壁間題句松墨蕭散  
自成馨逸渺渺天末賦此奉寄并書示寒石上人

撥層巒有蕭蕭叢竹塵外隱茅庵山氣陰晴煙光朝暮都非  
色相能參且縛取松毛作帚寫新詩石壁掃秋嵐破研鈔經  
短衣拜佛願借禪龕偏我遲停吟屐悵天涯孤寄閒訪暈  
曇雲縱無心雪還畱爪故人在江南聽一夜僧樓涼雨怕  
朝來白髮盈簪敲枕未成幽夢敲已統統



倩家毀庵畫辟疆古園圖詞以寄意

悵九龍回首翠模黏門巷隔煙蕪荒涼一片亭空無鶴沼  
廢無魚牽蘿補屋未忍別移居鐙火天涯夢渺渺愁子當  
日尋詩聽社有縑細度閣鸞竹分區叢殘几上畱得幾堆  
書寫數筆湖山秋意便蕭疏何必倩倪迂家風在故園喬木  
好上橫圖

望江南

游餘杭作

餘杭道坐得筍輿過確紙聲忙流水急纒絲風緊落鸞多相  
望隔煙蘿

微雨歇山氣冷如秋雙箭幽蘭邨女戴一旗新茗估人收門

巷總清幽

拜石山房詞鈔卷一

八

分明畫一幅輞川圖亂石疊牆低見屋飛泉接筍暗通廚曲  
磴瘦筇扶

行曲折轉過板橋西寂歷枯釵松鼠下迷濛碧影竹雞嗁溼  
翠染人衣

鵲踏枝

題席芍階麗姬小影

偏到鸞朝鸞事改小苑春陰黯澹如秋黛錦瑟塵空金雁壞  
有人自製名鸞詠脂盃眉圖如有待宰地簾紋暈上生  
翠斜日闌干應閣淚桃魂縱去心香在

湘月

題伯夔與漚爲客圖

浮家計好載筆牀茶竈小艇如葉煙水茫茫誰是主差勝天

涯作客細艣搖雲圓蓬畫雨蘆暝飛秋雪閒漚兩兩相逢何  
必相識 今我已忘機水天閒話歸去尋簑笠船尾西風  
潮欲上吟瘦一枝黃蘂紫蟹爬沙白魚吹浪網倩妻孥織隨  
他浩蕩江頭豈有離別

浣谿紗

小閣春寒近更添東風輕拍澹紅簾海棠絲外雨廉纖未鎮  
自無言常脈脈未曾有病卻慊慊綠塵飛上水精奩  
壺中天

謁蔡中郎祠

叢祠江上認一行飛白題伊爵氏尺土階前甘下拜手薦谿  
頭芳芷書付公孫名遺元歎貌類張平子漢廷卿相憐才畢  
竟誰是 依然千里青青門前艸色知己悲長逝萬卷丹黃

拜石山房詞鈔卷一

九

教弱女小謫淒涼身世爨下焦桐亭中椽竹都入傷心史思  
公有淚溼衣多似鉛水

平韵滿江紅

謁曹娥廟

落日停橈正一片寒潮欲來尋黃絹夕陽門外三尺殘碑班  
竹江心紅淚冷幽蘭階下綠霜摧儼明璫翠羽展珠龕黛黛  
眉 醜椒醜洗銀鬢看畫壁拂煙煤想水精眠夢幽人未歸  
怨曲乍聞蠻柱急靈風先展繡旂開又迴帆撾鼓噪神雅將  
嗔催

喝火令

乳燕偎香臥嬌鶯坐柳慵一春人在藥煙中小病沈沈殘夢  
又怱怱 螺子眉痕減蟬紗鬢影鬆玉壺香唾可憐紅憶汝

闌干倚徧碧玲瓏憶汝春衫瘦骨寒近落鸞風

滿庭芳

竹鑪山房題壁

松雨纔過桐棉尚溼禪扉當晝惜惜迴廊磬折柱礎石苔侵  
彷彿山人圖卷秋堂掩分外幽深還疑是夢中曾到屐齒又  
重尋僧寮岑寂處看青如罨畫綠愛眠琴況九龍排闥嵐  
氣微陰怪有煙痕飛白脩篁裏驚起鳴禽須聽取泉浮蟹眼  
瓦銚煮秋聲

醉江月

夫容湖舟中

波平岸迴看秋漪皺玉鱗鱗吹起好向水香多處住柔艣一  
枝搖曳柳拂斜絲蘋浮嫩葉綠胃吳船尾輕帆分暝疑從鏡  
裏飛遞晚風吹上涼潮三篙新漲小雨生沙鶻惹起閒漚  
明似玉點破半湖煙水一角疏林幾圍矮屋指點魚鰕巾笠  
簪挂處夕陽尙映芳泚

解連環

憶舊游寄伯夔

涼雩露蒂早一區秋意西風驚碎記舊時同訪迴塘正演漾  
菱絲綠牽沙尾短篷曾吟破滿湖空翠賸似曾識我拍  
拍輕漚遠渚飛至漁邨有許風味那浮家舊券莫便輕棄  
問幾時重返江鄉載詩卷漁筒扁舟煙水彈指湖山能銷得  
幾番吟醉且須看荒干柳色者般瘦矣

一萼紅

題友人林屋吹笙圖

吹笙圖

對清尊說故園林。岫到處，隔風塵。橘柚團香，松篁寫翠，曾攜絕世幽人。不怕天寒，裏薄炙銀簧，正好傍朱脣。小凭檀肩微聞蘭氣，一响溫存。七十二峯遙望，似髻鬟低亞，眉黛初顰。蒼鶴書遲，青鸞鏡掩，可憐窈窕層雲。昔日高煙石屋，題字在招旆。舊吟魂，只恐瀟瀟也，愁易近黃昏。

南樓令

湖上探梅

橋接路三叉，蒼寒水洗沙。疏疏翠墨點棲雅。微雪忽明松外，閣吹幾片玉梅簪。纖手整金釵，看簪綠萼華。而今身寄梵王家。折向幽龕，先供佛銅盞，插一枝斜。

思佳客

春日出游

拜石山房詞鈔卷一

十一

雨過郊原綠漸蘇，不辭蠟屐破平蕪。人家處處炊煙起，浮出春山翠一觚。乾鵲噪乳鳩呼，如聞好鳥喚提壺。青帘挂在垂楊裏，不識邨中有酒無。

前調

艸輒沙平未覺遙，滿谿春漲不通潮。差差水似羅裙褶，莫試吳孃快剪刀。編竹柵架藤橋，籬門三面碧周遭。一堆細浪吹魴婢，正值牆頭墮餅桃。

木蘭琴慢

碧社湖阻風有懷楊二子山

水天思舊侶，移短櫂泊煙汀。聊寄贈蘋蓂，明漪照影冷。到秋心賸有幾枝垂柳，傷離亭猶解結。淒陰只合孤篷獨宿，有誰並舸聯吟。鄉音倦客怕遙聽，又值酒初醒。記夫容湖上，漚

沙似雪蟹火如星倚柁自吹橫  
遂看蕭蕭落葉下吳陵何日  
雞頭菱角尊前一笑相迎

前調

湖光銷黯漁火未涼復拈是解寄同里諸子

扁舟乘一葉潮欲上水平湖正天氣初霜蒹葭搖落沙雁相  
呼除是同盟漚鷺便相逢誰念客情孤卻望家山船尾夜痕  
似有疑無 田廬少日感離居殘葉滿荒渠約幾時結屋長  
竿放扁短艇又魚燈火篷窗暝寫愛古人笠澤有叢書何處  
漁謳相答鄉園隱隱愁予

憶舊游

過蘆區

趁潮荒淺瀨雪換涼漪來賃江船自挂孤帆去聽浪鷁堆裏

拜石山房詞鈔卷一

十一

打槳聲圓一路叢蘆蕭瑟秋夢渺無邊有幾縷魚雲幾絲漚  
雨閣住遙天 飄零舊詞賦悵帶醉閒吟孤負華年莫話淪  
涼意似病蟬無力猶唱離筵贏得鬢邊衰綠歸染六橋煙只  
同我銷魂後湖官柳疏可憐

虞美人

深秋閨意

淒淒涼月如煙白午夜樓陰直遠山如黛拂殘螺玉雁天高  
簾角近秋河 鵲鑪火冷灰盈寸自抱頗黎枕下階蘭葉謝  
枯香今夜新寒羅袂有微霜

買陂塘

咏牽牛筓

近斜河一窠分種疏粵澹處堪愛過牆竹尾誰家院扶上絲

絲秋翠添嫵媚看風露涓涓疑泣星妃淚涼宵破睡問翡翠樓高蔚藍天遠幽夢幾時墜香痕瘦不似芳蘭可佩憐渠

秀蔓都脆綠珠碧玉宜相伴更許青蘿爲妹佳耦在聽絳綈

蕭蕭上有蟲孃配籬根任采和瓜蒂輕黃豆粿微紫浸取洗

頭水俗以七夕采百粿浸水名爲織女洗頭

喝火令

秋夜聞雁

小坐拋紈扇疏簾上玉鉤碧天雲影夜悠悠試問銀河何事不東流少睡偏多夢無聊便有愁一繩新雁正橫秋記得艣枝搖過白蘋洲記得十三竿柱人在小紅樓

壺中天

過鶯脰湖

拜石山房詞鈔卷一

三

曉雲橫浦寫江天數筆都成秋意渺渺空波浮去櫂十里明漪吹起淺水生蒲疏煙畫柳小艇秋陰裏涼潮一尺柁痕拖過沙尾何時去學天隨蓴鱸鰓菜料理閒生計青紵門前飄酒字好典綠蓑重貰水鶴孤眠雪漚獨立款我扁舟棹區開玉鏡吳山大好煙髻

買陂塘

伯夔邀食鮮荔支同蘭厓賦

問何來閩南珍品今朝得伴尊俎瘴雲蜚雨三千里幾日邊城飛度晶盤貯看圓比鮫胎應與珠同母楓亭遺譜眞膜似綃輕膚疑玉潤香氣勝簷蔔休頻道此是側生嘉樹深閩恐有人妒榴房酸子知多少無限緋衣醋醋時伯夔謀置側室故戲語及之風味足便齒病添些爲爾拚淒楚海山風露想蠻女銀釵

煙林摘取翠籠盛無數

滿庭芳

題清微道人空山聽雨圖

細雨如絲輕陰如夢瀟瀟聲下銅溝涼侵竹徑餘潤逼香禱  
已是梅粲再世餐冰雪占得清幽還重向團蒲禮佛更乞一  
生修 人閒當此夕聽芭蕉窗外欲睡還休只情根難懺入  
耳都愁誰似空山岑寂伴閒雲暝色高樓銀鈎小書成貝葉  
圓暈落鐙篝

鵲踏枝

題握蘭小影

扣扣羅襦情早定香夢纔溫只是愁他醒嗁鳩催歸先有信  
落粲風裏箏弦緊 張泌妝樓重記省三尺簾波移卻青鸞

拜石山房詞鈔卷一

十四

鏡只有煙痕吹不盡絲絲綠似吳孃鬢

渡江雲

邗江舟次

一尊京口酒詞人終古蕭瑟例江關此行真萬里西上黃河  
何日唱刀鐔蕪城有賦多情甚莫倚危闌重回首夕陽樓角  
無限好睂山 難刪多少纏綿有病葉娟粲舊時庭院人乍  
去剛逢春社燕子飛還帶圍自減衣棧厚浣征塵酒暈香癡  
增惆悵十年如此青衫

浣谿紗

題友人邗江送別圖

咽斷銀簫倍黯然二分明月幾時圓睂樓昨夜有嗁鶉 芳  
艸如煙迷別浦桺絲似夢澹斜川春風回首渡江船

憶舊游

寒食日道出桃源風雨淒其荒原蕭索洵斷魂時節  
也隄上偶見桃枝皆著蓓蕾如紅豆因念故園風景  
牆角小桃應已爛漫矣眷懷舊游忽忽成夢爲賦此

解

正涼燈破曉瘦鐸吟風乍展山程一片荒沙白柰過江芳艸  
只長愁根待續天涯殘夢野鳥喚行人怕折取鞭絲幾株官  
柳栖上征塵 關心好時節把杏酪香餉孤負良辰鬢乳如  
紅豆判桃鬢嬌小淒斷春魂誰令寒城景物吹暎入煙痕且  
問訊江南故園貯得春幾分

壺中天

題潘朗齋師填詞圖

拜石山房詞鈔卷一

五

春風象管笑區區摹仿蘇柳膩一寸袖中蘭畹稟刻畫銀  
鉤蠶尾橋本吹簫步名邀遂總是栽萼地海苔牋小拂時都  
帶香氣 堪念騎省清才江南水閣領略閒風味減字偷聲  
重按拍詞律研來較細竹翠按涼梅茵坐暎只倩紅紅記天  
然秀句風流付與仙吏

風入松

龍城官署卽事

簾鉤敲響玉丁冬惆悵舊房櫳一牀班管閒無用畫湘山十  
二屏風淚點纔滋竹色愁根又長蘭叢 雪衣應悔語言工  
終日掩雕籠傷心不及鳩呼婦在樓西綠樹陰中檢得飛鸞  
一片倚闌細咽殘紅

浣谿紗



茶煙

掃得秋聲葉擁爐煙絲又裊晚晴初窗紋簾影半模糊  
攏入不嫌琴氣冷扶來卻愛竹風疏夕陽樓閣畫難摹

聲聲慢

雨夜

殘沙瘞翠折篠枯聲暮雲一片遙遮冷雨如潮陰陰不隔窗  
紗添成十分清苦稱今年此夕天涯上簾衣碎白淒迷落盡  
羅琴忽訝河流吹到聽波濤喧枕淺欲平階佛閣無鐘麗  
譙鼓已三擲蕭邑相傳鐘鳴則黃河水溢故無鐘聲短燭爲誰飄淚照征人夢  
裏還家聽未得聽瀟瀟先愁鬢華

拜石山房詞鈔卷一

六

拜石山房詞鈔卷二

無錫顧翰兼塘著

仁和許增邁孫采

賀新涼

停車浦上信步入野寺中見壁閒畫竹題我有小亭  
深竹裏不如歸去聽秋聲之句

袞袞紅塵起卸征鞞夕陽古道天涯行李野綠木門修竹合  
隙少一袈裟地換滿壁翛翛涼意若果山僧秋許乞貯秋聲  
一片行囊底看畫幃比香偈悠悠人海身如寄問他年閒  
園半繭何時料理聽雨聽風聽未足更聽濤聲萬里便歸去  
征衫重洗蘿屋三間亭四角好深深築向蒼煙裏人世事付  
凭几

拜石山房詞鈔卷二

一

聲聲慢

真州夜泊

亭

詞苑向茲徵異人對事付

小橋斜日斷浦西風柳絲只綰愁陰翠浮睂山尖石塔煙  
橫好把短蓑兌酒樣孤篷莫趁郵程夕陽路人家隔澗收起  
魚罾莫悵寒漪千里且輕裝歸去不負初盟滬夢近來圓  
未瘦遂吹醒似有濛濛雪意漾銀沙一片空明蘆絮外正江  
船涼白上鐙

鵲踏枝

船泊邵伯湖有懷秦朗山

憶昔津門同伴去襪被舟中一見心相許衰柳枯荷圍斷墅  
催詩只聽迴帆鼓爲訪江頭曾泊處水驛叢祠依舊藏雅  
樹少箇篷窗人共語翦鐙自聽瀟瀟雨

臨江仙

潤州舟次

黯澹江雲天欲暝海門催上新潮佛狸城外買輕舸便無風  
起已涌浪粲高 今夜壚頭拚爛醉薄寒可典青袍酒樓紅  
影一鐙搖打蓬落葉又誤雨蕭蕭

國香慢

題吳餘山小梅華庵圖冊

鶴老江城聽蕭蕭煙話似帶潮音 餘山久客揚州書巢結來如斗綠  
上蘿陰自做六時清課有新詩樹底閒吟粲圍佛廬小只恐  
微熏破了禪心 落枝多綴玉論蕭疏鬢短總不宜簪寒雲  
滿眼故園芳訊銷沈空戀二分明月惹殘香染徧羅襟荒庵  
堪再葺一櫂蘋汀好遂幽尋

拜石山房詞鈔卷二

二

聲聲慢

秋雨庵夜坐

窗縈蛛網壁篆蝸涎苔痕印上迴闌爲借琉璃佛火獨坐更  
殘堪憐抱煙倦鶴向西風似我衣單簾影外綠堆松髻疑繞  
家山 欲問天涯消息奈愁吟酸楚身寄江千小雨流雲空  
榻半住新寒吹下井梧敗葉掩閒門如聽驚湍秋竹杪浸冰  
魂涼月一丸

風入松

清綺詩堂題壁

綺琴三尺玉絲長十載奏清商離人心似當風葉怕蕭蕭易  
近秋涼衣補一方慘綠簪抽幾點吳霜 家書函後墨斜行  
色淺蠟分黃短屏圍處深深坐愛圖中活脫江鄉擬戴圓煙

笠子酒船櫂入楓香

水龍吟

鄭湛若天風吹夜泉研

是誰藹足幽荒一圭製出新蕉尾麋丸欲試當時瘡墨幾絲  
猶膩天籟如暗秋泉暗蓄玉沙難洗想翩翩英妙美人帳下  
編赤雅分行記定其奇香十賚伴瑤琴同來福地詩成脫  
手弓衣繡徧撞拳隊裏會侍牙旂李波小妹石能言未料沈  
湘去後一雙鴛鴦淚如鉛水

臺城路

題陳松泉煙雨歸耕圖

道場山色橫圖裏天涯不如歸好杏蓓邨頭桑稊陌上簫鼓  
社公迎到催耕嘯了正雨後泥鬆一犁春曉茅屋炊煙早先  
初日上林杪何須買田陽羨有百弓下濕始種杭稻水碓  
聲忙纜車風緊我記苕谿幽櫂相逢休笑做識字農夫儘堪  
終老楊柳陰中飯香黃犢飽

浣谿紗

題西湖載酒圖

百頃風漪鏡面寬水心亭子曲闌干鸞時細雨不多寒昔  
日湖山如畫裏而今眞向畫中看何年重上四宜船

虞美人

秋夜書所見

夜靜隔簷聞步履似見亭亭立風鬟霧鬢是耶非只恐木犀  
香露溼秋衣檐前墜下梧桐葉心性由來怯月明如水水  
還空嬌影翩然何處覓驚鴻

湘春夜月

題龍女牧羊圖

海山低白煙幾點依微鷺見雨族驅來水霧溼綃衣欲折珊瑚鞭起柰癡雲不動艸碧淒迷縱方諸作鏡紅妝慘澹嫁便須噉風鬟看綽約簪抽涼玉怨比湘纍羅幃凌波又誰妬水精眠夢謠詠蛾眉鱗鱗魚媵恁龍堂難寄書回待緘就珍珠密字悵洞庭霜樹舊日寒闌

浣谿紗

感舊

手卷疏簾上玉鉤林園過雨似新秋生綃團扇綠衣禱未便背人通一語如何竟去不回頭隔粵微見眼波流水榭風來度暗香蓮鴛漏滴玉壺涼夜深多少睡兜央脈

拜石山房詞鈔卷二

四

脈芳心含豆蔻遲遲纖手遞檳榔而今始悔不能狂粉靶猶堪認舊題那拚溝水各東西羅帶怕染落鸞泥芳艸無情三月算翠鶻多病一春噉蜀江愁黯碧玻璃未淒絕空廊子夜歌華年錦瑟悔蹉跎依然照壁舊銅荷篋裏衣裳渾未澣班班圓暈在秋羅淚痕應比酒痕多

鵲踏枝

巖九脩能臥病梁谿隱几東郭其壻鄉也藥鑪經卷病亦不惡余適歸自邢江脩能以詞柬余念西泠舊游蕉萃婉篤余亦浪迹淮海頗不自聊有不能已於中者爲賦此闕以荅其意

白舫青尊游冶伴多少閒情付與閒歌管煙水西泠春夢斷羅襟怕惹飛鸞感小病經年風景換煮藥香中簾子垂垂

暗一樣飄零塵路倦鬢絲試較誰長短

木蘭鸞慢

送脩能歸苕谿

艸堂詩未就人將去酒初中怪分手今番鸞前雁後直恁  
愆買得輕舟載夢挂斜帆卻趁試鐙風何處悠揚水遂新愁  
吹滿眉峰相逢盡道帶圍鬆惆悵向來工料玉孌湖上梅  
緘香坼要綴釵叢謂君姬人香脩兩地情絲牽惹算春蠶也是可憐  
蟲我擬浮家苕雪摹伊煙水清空

鵲踏枝

元旦

旭日初晴光照牖帖子宜春吉語新書就不願積金高至斗  
一年好事詩千首竹要平安鸞要壽竹北鸞南人與天長

拜石山房詞鈔卷二

五

久折得梅枝香在手金尊勸飲屠蘇酒

減字木蘭鸞

春光有幾一半春過春病裏睡起無聊乍許凭闌酒力銷  
落紅幽院那得愁人腸不斷艸艸年華纔見梅鸞又棟鸞

百字令

鸞

恨乏千金與羣芳爲壽盈尊且飲擬倩仙人殷七七齊把春  
魂催醒杏靨纔勻桃鬟尙小最薄梅鸞命冰霜摧挫冷香枝  
上飛盡此後墮溷飄茵升沈未卜天意高難問要得玉人  
親手折須傷紅樓開近若說裁詩憑伊作骨也有吾儕分朱  
旛低護風姨莫便吹損

烏夜啼

春去太恩恩恨重重料想落鸞不共水流東  
湘簾下銀鈎  
挂舊房櫳拾得殘絨一縷可憐紅

其  
月華清

題子山孤山載鶴圖

淺澗沙明平橋波闊短橈何處輕橫涼月鄰鄰吹皺一匳煙  
水倩吳孃蕩入明漪人坐玉壺心裏閒倚只白漚三兩恐教  
驚起 無限生涯蕉萃待寫向湖天別饒幽思蘆葉蕭蕭飛  
上一襟吟翠喚林逋雪夜詩魂攜倦鶴與秋同載無寐聽蕢  
洲遺譜蓬聲吹碎

百字令

秋陰

淒陰一片向遙空閣住欲晴還未秋到無光眞慘澹盼斷夕

拜石山房詞鈔卷二

六

陽天際低坐昏雅高飛新雁都沒蒼煙裏鼓樓那角算愁又  
被催起 若論遠近關河沈沈如夢愁也難迴避惟有江船  
吹遂去老我鱸鄉橘里縹緲雲沙溟濛水竹覓句敲帆底釀  
成蕭瑟黃昏雨又來矣

十一  
風入松

寄良甫

人間流落庾蘭成詞賦怨飄零濛濛煙樹冥冥水隔江南第  
幾層城豪氣銷磨劍鼻客塵堆上衣袂 小窗一角貯秋深  
寒意夜飄鐙階前落葉風吹聚奈蕭蕭總帶離聲料得倚樓  
長遂淒其今夜吟情

十二  
臺城路

春去大帆影

晴漪十里明如鏡一痕低度雲影晚色模黏波光澹沓畫出  
湖天離恨危橋路近看葦隱青疏蓼迷紅冷水國寒添飛來  
葉葉墮幽暝夫容湖上茅屋浮家何日遂終老漁隱柀尾  
拖煙梘梢倚月伴我篷窗孤凭江天風靜正沙渚陰陰昏雅  
斜趁暗拂涼莎不教溷夢醒

前調

鶻聲

西風人去郵亭算離心先被吹遠小艇鳴榔孤蓬颺篷迸入  
疏粵古斲橫塘夜半惹煙外淒音更添幽怨欸乃吳歌船孃  
羅袖倚窗倦斷魂何處行客幾回敲枕聽愁臥江館水竹  
敲詩蒼蘆戛夢涼雁一聲驚喚漁邨酒幔正乙乙搖來十分  
清輭權入楓橋好隨江路轉

拜石山房詞鈔卷二

七

清平樂

秋夜閨意

迴廊悄悄簾月疑秋曉幾朵涼粲如鈿小倒挂收香么鳥  
無言獨上西樓窗前斜倚秦箏今夜銅壺清漏聲聲滴在心  
頭

漁家傲

舟泊太湖望洞庭諸山

暝色空蒼雲欲化遙峰歷歷如殘畫低映山莊秋樹罇新紅  
亞橋枝染出吳霜下聖女祠堂何處也蕭蕭應有風吹瓦  
星斗高寒煙燒怕鄰船話前頭帆影如奔馬

一萼紅

艮甫買舟來越晤於湖樓絲雨迷天移尊酒相對各



賦一闕以慰旅懷

倚斜門隔幾行斷柳秋水坐移尊誰省湖邊蒼茫煙樹無聊  
還有詞人看一葉飛來小艇向波心雙槳蕩漪淪細雨如絲  
輕陰似墨又近黃昏 莫著浮名相累把等閒歌吹換了征  
塵夕社盟寒鱸鄉夢杳天涯秋已平分看沙渚蘆花嫩白比  
西風鬢影帶愁痕江潭路任教蕭瑟休愴吟魂

謁金門

秋宵有憶

銅鋪闔月色乍移窗格透過清輝方一冊棧棧如界畫 砧  
杵誰家巷陌簫管誰家第宅隔著銀牆疑不隔夜涼夢影白

沁園春

爲李白樓題寇白門小象

拜石山房詞鈔卷二

八

匹馬歸來非俠客邪嬋娟美人看絲絲鬢影蟬紗微側纖纖  
眉樣螺黛猶皺紅豆裁詩黃紉入道舊院荒涼若箇存秦淮  
路說寇孃重見無限銷魂 不須懊惱前塵算未耶難忘舊  
主恩念江山此際初經劫火樓臺當日重認巢痕夜月丁簾  
春風甲帳瘦到香桃病幾分添惆悵只一行疏柳白下斜門

鵲踏枝

吳江舟次

竟日移舟鬢影外蟹舍魚莊江景偏蕭灑浪說秋風歸計遂  
蒹蘆上市無錢買 柳絮飄零終不悔化作浮萍萍又隨流  
水只有圓荷珠露整分明畫出青衫淚

高陽臺

過下邳

州艸離亭勞行客和愁歇上征鞏山額棲雲宛然恨鎖眉  
端人煙寥落逃凶後有蘆簾竹屋家近河干倚閒門野水無  
漚直恁荒寒 故侯斷碣尋銀字想當年圮下黃石書傳臥  
柳蕭疏矮橋橫泊漁船雅軍圍處偏成陣畫斜陽醉墨初乾  
更催人涼暝沙頭添倍淒然

思佳客

綠樹陰中閉畫門敲斜金雁一箏塵烏絲格子紅絲研小字  
雙鉤仿洛神 香乍薰酒微溫滿簾雫氣作黃昏西南樓角  
纖纖月認是吳孃指甲痕

滿庭芳

梨萼落盡好夢難成悵望空枝感而有作

竹檻愁煙蘭橋染露小紅亭子依然牆東一樹不見粉嬋娟

拜石山房詞鈔卷二

九

記得迷藏粵底到深宵忘了春寒湘簾外絕無人影十二曲  
闌干 風前潘鬢改向華嚴劫後重問情禪看綠陰陰地悟  
到前緣彈指韶華有幾好春暉都付嗁鴟畱題在淚痕猶溼  
不共墨痕乾

百字令

重過碧社湖感舊

烏篷當日記閒盟漚侶會問幽浦十畝疏香爭透水隔斷南  
湖煙渡翠帔相扶紅衣欲蛻單舸尋秋路明蟬墮影滿身都  
染清露 那便夢隔雲波魚莊蟹簾零落今如許不信繁華  
容易散只有寒潮今古髧柳荒橋枯荷廢苑野鬻西風語何  
年此地一蓑來臥煙雨

昭君怨

感白門舊游借伯夔同賦

記得玉纖送酒春色梨渦先透簾影月西斜未還家  
贏得小窗孤悶依舊碧銷香潤蠟淚滿金銅是愁紅

同作

楊夔生 伯夔

記得榴裙翻酒暝傷香篝熏透容易夕陽斜泰孃家  
幾日薄陰愁悶不是新晴清潤秋錦小房櫳雁來紅

百字令

爲楊二子山題雪豔圖

素春亭閣記斜柯綴玉夜雲吹白曾共闌干俛絳袖一寸苔  
枝同折明月前身春風舊恨合任梅萼國卷簾人獨滿襟都  
浣涼雪 無言小竹迴廊半鬢香霧樹底亭亭立遮莫人閒  
風露冷幽怨玉清湔謫瘦影搖鐙澹香浮夢休更吹橫蘂

拜石山房

卷二

十

教驚起一雙翠羽清絕

虞美人

泛舟秦淮

闌干十二雕青玉搖漾晴漪綠夕陽江閣嫩涼添兩岸人家  
齊上水明簾 笙歌一隊歸來早白袷俱年少楊鸞飛作滿  
湖煙斜趁東風亂撲酒人船

渡江雲

燕子磯

蒼茫江月墮推篷看危石聳孤屏渾疑江燕立下瞰風濤得  
勢欲飛鳴崖根插水巉削處靜影亭亭晴翠溼飛來煙外如  
雨滴吳舫 淒清微波澎夏四舫無言料舟人未醒攜鐵遂  
波濤深處且學龍吟空江多少精靈睡只漁歌唱出前汀吹

嫋嫋餘音遠破空明

虞美人

信步入圓覺寺

打頭策策鳴黃葉野曠西風急亂雅歸去翅翎紅只爲夕陽  
猶在最高峰 意行差喜僧廬近衰艸埋幽徑寺樓敬倒已  
無鐘賸有一枝白塔兩三松

瑞鶴仙

游棲霞山寺

雨餘靚埽脩眉影雲根幾多逋峭浮藍樹古搖青竹短疏煙  
籠罩寺門深窈問可有俗塵吹到正危峰梳翎小鶴雪羽墮  
松杪 引我煙霞想如此湖山棲遲真好僧歸甚處裏紅衣  
踏來殘照畫出秋聲儼一幘荆關幽爽又吟蟬墜響似磬答

遠嘯

謁金門

霜月冷落葉亂捎銀井天末雁行飛不整秋聲先到枕 漏  
點漸添淒哽鑪火漸畱餘燼開得釭鸞長一寸歸期應有準

望湘人

秋夜閨意

碧梧陰新蟾瞪目只呢人一點颯破幽暝雲母窗深水明簾  
薄送過半庭鸞影畫菊單衣星前小伶滿襟秋冷下苔階熬  
罷心香金盞更添宮餅 試看絡角斜河恁鴻飛不到久沈  
芳訊書儻能傳畢竟天涯還近隔院吹簫誰家擣練併入西  
風一陣且消停烏鵲雙棲索性待他睡穩

賣鸞聲

簾外玉鉤敲簾底無聊怪他燕子不歸巢如此畫梁棲便得  
何忍輕拋 薄命是天桃昨日今朝護鸞旂子不多高卻被  
秋千紅索影罨上香梢

國香慢

蘇隄晚歸

嵐翠爛班恁幽汀水色不起微瀾只贖幾株疏柳瘦綠堪攀  
知了一聲飛去看夕陽冷到沙灣逼真古圖畫塔指黃妃霜  
葉初殷 沿隄歸路晚問逋仙何許放鶴應還高人長往卻  
好喚做孤山比似當年西子澹妝梳箱出煙鬟誰解佩璫贈  
月上松梢碧玉彎環

西江月

由拳道中

拜石山房詞鈔卷二

七

儘有市聲吹到卻無塵土飛來一谿曲折抱城隈都是鮮萼  
活水沙暝初聞蛤吠日長又被蟬催驛亭依舊柳絲垂添  
得幾分蛾翠

百字令

石城憶舊

載愁滿艇恁今番惆悵不堪言別一樣石城橋畔柳寸寸柔  
絲吹碧細葛裁衫輕羅製扇割得秋波色漁歌唱晚倚闌猶  
想橫蓬 縱教曲港通潮文鱗六六怎把魚書覓酒到半醒  
鐙半炮何減曉風殘月昨日江南今朝江北眼底山重疊無  
情流水爲誰終夜鳴咽

前調

舟泊瓜步書寄春樵並羽素女兄

鄉關咫尺怪恩別後有愁難寄江上丹楓如舊識款我天  
涯行李殘月沈山鯨星墮水宿雁驚飛起蕭蕭落葉滿蓬都  
是秋意堪羨漁弟漁兄敲鉤結網舟泊蘆花裏偏我船艙  
形影隻夢也有頭無尾郭外砧聲樓中燈火今夜眠猶未料  
應屈指計程三百餘里

河傳

江頭夜泊

江影秋暝傷沙汀向晚扁舟不行渡頭月落潮水平星星漁  
鐙煙外青孤衾冷伴閒漚宿憐幽獨不暝如魚目數巖城  
夜幾更聽聽碧雲低雁聲

鵲橋仙

伯夔以織女機絲圖屬題圖以白羅爲地被以絨繡

拜石山房詞鈔卷二

三

五色昭爛神光奕奕然閨中所製物也

月高鈿瓦星斜珠網梧葉乍催幽暝明河澹澹欲生煙看遙  
天碧分秋鏡香羅好翦采絲細擘繡罷綠窗風靜夜闌琴  
底拜靈妃乞鴛機一梭雲影

買陂塘

偕伯夔暨秦蘭臺州牧游邵邨

帶平林肩痕淺碧吳山無此清遠斜行白鳥低飛去界破僧  
衣一片秋思換怪巾履蕭蕭閒卻蒲葵扇彎環徑轉看三兩  
人家竹籬茅舍也有酒帘颺迴谿畔覆屋蘿萼短短涼陰  
十畝先占當窗試凭烏皮几忘了北風雲漢波水暝正大芋  
高荷漲綠新來滿紅塵隔斷只疏柳明邊夕陽漏影一角冷  
金慘

風入松

借伯夔露坐有黃葉一片墮紈扇上

秋光似水漾闌干團扇約新寒亭皋句好渾難畫天涯恨吹  
上疏紈堪愛額黃顏色可憐不在眉端 林梢一片下琤然  
誰刻小琅玕分明纔著蟲絲裏向風前又誤輕蟬會記楓江  
夜泊蕭蕭聲滿吳船

青玉案

范陽城南有邱一成野雩倒垂綺扇澹如釵如旒  
余與伯夔往游每采歸以供栢案伯夔詞先成余亦  
繼作

故園門徑荒煙隔依舊是城南陌何必海棠鄰院乞斷垣殘  
鶯鬢鬢撩眼也自爭紅白 幽香無主誰收拾算有今番秋

拜石山房詞鈔卷二

十四

士識莫向瓦瓶傷脆折昏昏野氣艸蟲聲裏多少愁顏色

原作

楊夔生

斜陽脈脈含哀麗正人唱旗亭裏猶憶少年游冷地燕昏  
鶯曉上津門外萬點淒涼淚 纖羅只把離騷記誤認先  
生蘭有蕙冷落疏煙圍斷墅江淹賦後東風多恨吹碎愁  
根蒂

登樓怨

登范陽城樓西風乍涼落葉如雨不禁有王粲依人  
之感歸度此曲以寫旅懷

亂山圍古堞向暮蟬聲裏獨自登樓葉葉西風故園無此涼  
秋幾叢遠樹牛毛細有煙痕綠翦雙眸更淒然似水斜陽併  
入寒流 舊游空記省在幽篁仙嶺落木邛溝渺渺平沙天

涯底事句雷多年戍壘銷兵火聽哀笳尙帶邊愁最無慘城  
角孤鸞相見回頭

生查子

小院又秋風落葉敲窗紙蠹葉有蟲書應篆相思字粉破  
淚成行不斷如鉛水滴著海棠鬢立見愁紅死

虞美人

燭盡樺皮香不活曉色傷心白竹風吹做十分秋添得一聲  
征雁墮高樓幾回敲枕長宵度殘漏分明數錦衾裏了尙  
寒侵月苦霜濃天杪有人行

買陂塘

過邯鄲題盧生祠壁

倚叢祠夕陽繫馬紛然落葉堪掃羨伊一霎書騰裏凡劫銷

拜石山房詞鈔卷二

五

完艸艸應冷笑看門外征車十丈紅塵繞朱顏易稿任螳國  
功名鹿隲身世都向夢中老長安道想汝青衫潦倒秋風  
失意歸早麟洲小水還無分何況方壺蓬島菴枕好可惜我  
游仙便算開懷抱三山縹緲說丹竈難尋黃梁易熟努力且  
餐飽

百字令

過漳河訪銅雀臺遺址

寒沙一色訪銅臺遺址但餘荒翠薤火鄴城無片瓦不道離  
宮都改橫槊詩豪捉刀氣猛可有雄心在分香賣履柔情也  
自如水當年百戰山河金戈鐵馬久已無殘壘千古英風  
淘洗盡何況春深蛾黛隴樹西斜漳流東去鬱鬱聞歌吹迴  
潮幽咽望陵幾許清淚



踏莎行

咸陽旅次寄懷夢湘弟

渺渺征途行行且任羈愁挂在咸陽樹對牀已抱十年心無  
如此夜相思苦 悵望刀環遙聞砧杵長安也憶嬌兒女揮  
鞭已過霸陵橋翦鐙只夢巴山雨

南歌子

咸陽旅舍

樹底西窗暗山頭北斗橫烏鳥畫角動高城認是誰家玉  
又飛聲 夜月秦宮鏡秋風漢殿箏淒涼懷古不勝情杳杳  
長空塞雁更南征

齊天樂

劍閣

拜石山房詞鈔卷二

六

縈紆蜀棧羊腸似盤旋亂山堆裏拔地千尋去天一寸長劍  
不知誰倚陰陰雲氣幸塞少丸泥稍通行李眾綠爭門溼衣  
空翠冷如洗 孟陽銘尙在否料殘碑橫臥難更扶起驢背  
裝輕牛腰卷大得似詩人也未悲風天際聽鈴語郎當如聞  
替吳何必張徽哀弦溪夜理

滿江紅

棧道紀游

山色雄奇竟不屑與秋爭瘦知費了幾多螺黛描來新就怪  
石凹巖藍面鬼老松倔彊蒼髯更千尋峭壁挂藤蘿蛟蛇  
走 複磴上莓苔厚危棧上闌干朽想補天有隙絲絲猶漏  
絕壑颼颼風出穴層厓翳鬱雲生竇要圖成須仗大癡哥丹  
青手

壘嶂層巒巴子國竟無平野幾曾見相如負弩公孫躍馬山  
勢爭來朝白帝人煙何處通秦塞只劔門塞得一丸泥堪雄  
霸還不了鶯鶯債說不盡興亾話正子規嗁後杜鵑開謝  
古墓殘碑秋雨洗神弦怨曲哀湍瀉更荒邨月黑虎夔藩當  
深夜

一綫陽光何處望天彭井絡只仰見盤空峻棧虹霄斜束瘦  
馬渾如雞上埭勞人盡比猿升木有白雲笑客十分忙巖頭  
宿晴漏滴聲冰玉流水響聲絲竹更千條礪併一條飛瀑  
橫跨石梁龍露背直衝沙觜虬生角喜筒車旋轉疾於風如  
輪速

毳裹繩行算都是陰平古道今纔辨幾峰巒互幾峰連峭嵐  
翠濃於青石髓夕陽澹似紅泥竈看一鞭轉過茂林來穿叢

拜石山房詞鈔卷二

七

篠暝色裏昏雅喚明月裏征鴻叫便三更枕畔還催夢覺  
江上竹枝蠻女曲山頭瓦鼓巴人調怪無端清淚忽霑裳孤  
猿嘯

漁家傲

翠嶂橫空恣晚眺眼前但怪炊煙少寂歷疏松敲晚照歸雅  
噪虎皮牆裏山神廟一任西風吹破帽那愁曠野逢剽盜  
指點行人喬木杪鈴聲悄蕭蕭匹馬隨飛鳥

拜石山房詞鈔卷三

無錫顧翰兼塘著

湘春夜月

仁和許增邁孫栒

為楊蘿裳表丈題雙美聽秋圖

正秋晴秋煙都化空明堪愛小閣茶香斜日半簾陰淺綠羅囊初製向七條弦外悟到琴心聽風移樹杪翠濤颯颯飛下天聲長陵雙姊妹看臨流結束羅帶綃窈窕雲泉只恐是題紅樓碧一搦閒情石闌同倚應不歎難遇知音緣何事高鬟微側在最無言處卻又沈吟

朝中措

辭濤井

拜石山房詞鈔卷三

一泓舊井習燕支井畔莫尋詩便令詩題蜀紙風光細賦誰知掃眉人去有如粵落悵望空枝何況枇杷門巷翠陰也

異當時

風入松

不施脂粉澹妝梳病起弱難扶肩邊秀色須餐飽怪鐙痕尙帶模黏贏得出門相送玉鉤印上春蕪風塵淪落最憐渠盼斷數行書隔粵惆悵人難見柰而今粵影都無料得曉鶯飛處淒涼夜月唳烏

荔支香

為汪均之題唐荔圖

天上粵冠人間羅轡昔年恨事茫茫海山風露一樹側生香試問綃衣仙子傷心曲記否霓裳前朝寺團蒲許借小坐話

滄桑 紅塵飛騎到西宮南內幾箇同嘗想玉魚含罷碧唾  
微涼惆悵棠梨佛閣淋鈴雨易近昏黃春墳碎吟碑三尺芳  
艸斷人腸春間過馬嵬舊傳佛堂梨粦一株  
爲貴妃畢命之所今已不復見矣

渡江雲

爲屠琴鳴太守題就竹亭圖

半亭斜日影蕭蕭瑟瑟一派畫蒼寒翠煙遮不斷結箇團瓢  
合署小檀欒小檀欒室亦  
太守齋名叢書兩版記當年多少清歡移短

榻綠陰深處詩夢得平安無端塵土京華憶瘦石幽鷺舊  
時庭院春泥軟筍鞭行速知近闌干拂檐千个青鷺尾叩園  
扉知借誰看歸來好憑君寄語琅玕琅玕傳代桑和鐵器車

買陂塘

題琴鳴太守邪谿漁隱圖

拜石山房詞鈔卷三

二

冷谿光染成今古迢迢只度漁唱山蒼雲白沙明瑟拜了鱸  
鄉亭長潮欲上正一篷風疏悄入蘆鷺響夕陽西向看菰米  
初收船脣敲火又有暮煙颺真州路郭外桑麻無恙竹車  
都愛春紡君宰儀徵令邑之  
婦女紡木棉爲布罾纏騎鶴知無分要覓釣絲千  
丈新水漲說夢到漚邊垂柳波搖漾桐廬雁宕約老去天隨  
筆牀茶具結伴橫烏榜蘇書西州讀書手卷  
中亭高陽臺

題均之填詞圖

露井桐高風廊竹亞數行低寫烏闌吹來海南香氣合是梅  
檀悠悠多少閒歌管向旗亭慣誤雙鬢拂冰弦二十三絲煙  
外輕彈 前身共坐青蓮上怎相逢一笑又在人寰既墮紅  
塵可應綺語全刪桃粦悟了空潭影結同心蕉萃枯蘭證情

禪夜雨秋燈話到更殘

風入松

陳石士太史屬題墨描萱筍小幅

後堂簾幕畫情悵惆悵百年心何人畫出西風影向天涯夢

裏追尋記否宜男私祝佩囊小綴羅襟 寫前魯酒與重斟

華髮不勝簪世閒那有忘憂事者幽懷誰是知音珍重秋筍

一朵句描澹墨如金盤即更嬌小 寫新吐又嬌離飛人四裏

清平樂 半鐘餘夢想來堪箇一賦餘葉燭怨

折筍在手試問筍知否筍到遲開方耐久須與春寒相守

畫簾日日低垂緣何不展雙眉瘦了綠窗鸚鵡為伊和淚題

碑

沁園春

拜石山房詞鈔卷三

三

咏風門借劉芙初太史作

行過斜廊折竹蕭蕭低遮畫檐看方楞宛在移將茗榻疏櫺

依舊卷卻筠簾繭紙新黏銅鑽暗鍵為有霜風分外鐵空明

處只隔重雲母窺見涼蟾 中庭悄覺寒嚴便雖設長關總

不嫌似朱扉半截油筍略染珎窗一扇鐵葉微添門扇展動處以鐵為

之鐵荷葉 香暖頻畱燈明更徹小雪誰知又撒鹽無人叩喜

叢書其際快讀細緜

四字令

吟金冬心蕉葉研為戴竹友農部賦風邊向天選藝

香融玉泉參寒石田碧窗低颺茶煙稱庵名綠天 春風句

填冬心字鐫隄康一笏輕研寫琅玕翠牋

滿庭芳

咏唐雋爲趙樹三北部作

竹閣欺霜梅苒點雪是誰暗返香魂琉璃窗戶呵暝一重雲  
自製泥金小牒瑤臺使預倩氤氳垂羅幕仙裙裊皺莫令著  
風痕不用頻催羯鼓只新紅初試要借鑪熏恍玉衣珠襖  
天寶宮人圍住名雋作國瑯嬛洞別有陽春應惟是幽蘭空  
谷不可藉餘溫

揚州慢

隔院聞歌聲同蔡浣霞儀部賦

呵凍鈔書撥灰覓句者般客况無聊聽鄰家讀曲又暗逗梅  
梢怪如此清寒羅幕有一絲蘭氣吹入紅簫拍低低檀板玉  
人知是誰教閒階小立隔銀牆更比天高記柳影斜門黎  
雋別院特地相邀滅了杜郎愁鬢江南怨重唱瀟瀟儘思量

拜石山房詞鈔卷三

四

前夢銷魂只有今宵

高陽臺

篋中檢得山水小幅疏林古驛遠水斜帆彷彿淮浦  
道中風景題有幾樹夕陽投驛騎一帆秋水渡江人  
之句蓋癸酉歲竹畦所作也感賦此解以寄竹畦

早雁書空微霜染葉天涯艸艸孤征回首家山亂峰無數縱  
橫津亭不打迴帆鼓挂林梢斜日銅鉦聽風前幽咽寒蟬總  
帶離聲扁舟不省愁來路向迢迢遠水慣隨行程隻墩煙  
中蒼茫暝色初生荒榛怨斷黃樓遂有秋宵戍角淒清問何  
如畫舫青尊人醉江城

琵琶仙

邵蘭風文學屬題秦良玉小象

翠輦朱鞞圖中認英氣，盾邊猶在爲想珠。帳牙旂，秋風動節，吹麾白棹，精兵數萬，更圍擁。紅妝幾隊，巫峽雲深，夔門路險，高築營寨。直教那黃虎魂驚，只攜帶人看將臺拜。蠻洞調一帚一著帚取掃蕩之意。驄馬桃花香沓走長虹，如帶誰失箸，取善飯謂須精卒至也。勢竹坪篁嶺，使賊奴敢覬峒砦，一片爲國丹心，溼衣鉛水。

一萼紅

丁丑人日董琴南太史招飲席上賦此

記年時向錦江天，遠頻寄艸堂詩畫。鼓春城梅萼，古驛重來，京國樓遲。且賸卻辛盤俊味，看斜簪采勝，照春池香。洵筠櫺雪消蒼徑，瘦鶴先知。數點紅椒初綻，想天涯芳訊，盼到南枝。小閣烘晴，高樓映水，儘容玉筵橫吹。倚多少風流，看展染煙痕，鬢影綠絲。快意黃金買醉，莫鑄相思。

拜石山房詞鈔卷三

五

買陂塘

題東越飽帆圖送浣霞太守之閩

恨離筵川途渺渺，更番聽過津鼓。低飛新雁斜雲裏，也趁檣烏東去。江上路看臨水樓臺，何處無煙雨。一枝柔艣，向釣客磯頭，桐君廬畔，帆影翦蒼樹。經行處，載取筆牀茶具，依然瀟灑如許。幔亭仙客相遲久，石壁須君題句。秋未算，正蘭阪香飄一鶴，隨人步。相思別浦，說荔子垂紅，椰瓢泛碧，莫忘舊漚鷺。

高陽臺

秦敦夫年丈屬題冒巢民姬人金曉珠畫鸞粟小

冊

製罷琴囊拋餘鈿粟，口脂潤到豪端。鬪取嬌枝婉婉，春色將

闌卷簾人立東風裏怪雛鷺飛近闌干漫疑他香稻收時嬰  
武銜殘 雉臬細艸茸茸碧奈亭園水繪都付荒寒畱得無  
多賸粉素米人看蜜脾冷漬薔薇露配一匙滑玉正好加餐  
見巢民董  
姬小傳 最銷凝曉露如珠紅暈初乾

賀新涼

題築室松下脫帽看詩圖

野色分煙靄望遙天九峰浮碧淺於螺黛門巷荒寒會夢到  
不是青谿相對看綠翦松毛如蛸結箇團焦秋影底比僧房  
一把香茅蓋橫短榻枕書睡 新詩怕被菊人愛向窗前麝  
煤蘭尾幾番參改巾角裏頭渾忘卻詎作狂奴故態便老樹  
都霑吟翠近橐而今添幾寸想行閒謾謾清風在圖畫裏響  
幽籟

拜石山房詞鈔卷三

六

臺城路

題陸萊莊西湖詩夢圖

生綃不翦吳淞水難忘武林鴻爪單舸尋秋裕衣兌酒三五  
翩翩年少湖心亭小看低映涼傘斜飛沙鳥極目憑闌不知  
興廢有錢趙 南屏晚鐘吹到游人散盡分外幽悄月涌  
銀灑山浮玉堦著箇詩仙縹緲黃塵撲帽問何似西泠四圍  
煙艸扇障元規白漚應冷笑

國香慢

題楊子萱扇上秋江照影圖

粵墮銀缸記夫容寫影曾住秋江紅衣爲誰蕉萃昨夜微霜  
惆悵鴛鴦獨宿卻羨那漚鳥成雙天涯倦回首早被秋眸割  
斷柔腸 尺書何日到想蠻牋小幅粉淚成行秦箏待譜幽



恨只度清商爲畫生綃團扇懷人意偏在新涼西風解吹夢  
一片斜帆煙水茫茫

高陽臺

題萊莊女蘿秋感圖

柳色縈青苔痕翦碧畫簾卷上秋陰一味嫩涼如水小坐支  
琴流泉聲裏么弦絕宵飛塵翠幕惜惜背銀鏡擁髻無聊同  
話傷心綠蘿依舊澄江館恁西風吹淚徧染羅襟半臂香  
銷可憐今夜寒侵汀洲蕭瑟吹蘆絮有孤鴻愁聽霜砧盼吳  
松羅幘凌波夢入秋余

甘州

送朱芸塘同年之官甘肅

都門風雪駐行裝珍重勸離觴正桑乾木落寒聲蕭瑟總帶  
拜石山房詞鈔卷三

七

清商躍馬滹沱冰渡關塞接天長一片秦時月夜色蒼蒼  
莫悵宦游萬里便穹廬沙磧都是歡場有琵琶羌女琴裏映  
蠻妝且沈醉蒲桃十斛聽邊人百隊唱伊涼長安近好追漢  
吏績紀循良

憶舊游

題章芝翁孝廉冷泉月話圖

正寒蘿抱石古木棲雲暝色遙峰煙樹溟濛裏看橫飛雪練  
粉碎虛空吹上一丸孤月影落亂流中記叩竹曾攜團蒲許  
借衲子重逢幽亭小於笠恰半貯泉聲半貯松風欲說無  
生話又驚回鶴夢打起疏鐘如此光明世界可換輓塵紅問  
何日還山蕭然緝盜從誌公

玉漏遲

癸未七夕微雨同人坐雲心山館鄒君遵舫未娶詞  
以調之

四圍雲影帖星河一道遮將周匝竹閣新涼睡起欲拋羅篔  
煙暝檐前雙鵲輕墮下梧桐蠹葉微雨溼似熒熒數點淚痕  
棲曉 聘錢價貴黃姑柰良期阻滯阮囊羞澀懶卷珠簾蛛  
網低垂犀押應念穿鍼人獨正鸞下銅鋪未闔尋繡篋翠縷  
暗縈纖甲

鵲踏枝

伯夔以田家詞見示情真事近絕似范石湖詩余廣  
其意得十二闋

昨夜春聲喧爆竹鬱壘門邊紅紙書斜幅臘味登盤嘗已足  
檐前更挂風豬肉 采絹黏燈新簇簇簫鼓喧天國泰民安

拜石山房詞鈔卷二

八

樂后土祠中雙箋卜今年贏特生肥犢  
乍暝乍寒難禁架酒壓芽柴風味甘如蔗搖曳一帘鸞影外  
提壺便有人來買 算雨瀟瀟潛入夜埽墓歸遲油繖從誰  
借廟令掠錢青櫟社農夫蓑笠團團拜  
水漫平田何用屣灑灑谿流醜若桃鸞醋脫卻木棉麤布袴  
淋灰浣後如紈素 瘦策寬鞵來散步笑看兒童手捉風中  
絮不是邨農無世慮朱陳早得完婚娶

竹柵闌門剛半畝只哺黃雞不畜鴝鶒鬪毒雨打窗疏點逗  
蕃薇萼落蒼苔厚 初著單衣雙卷衷浴佛盆池來試澆鸞  
手淪繭風香絲絡就嫩湯更煮青蠶豆

解駁晴光新雨止匝地槐陰艸閣涼於水袍笏且圖鍾進士  
從來嚇鬼須聲勢 莫道田家稀識字一帙農書展誦如經

史石首櫻桃初上市買來先餽邨夫子

小麥收來量十斛吉日逢庚造醬宜三伏不怕驕陽當午酷

北風窗戶眠常熟晚傍荷芡初罷浴坐看涼螢閃閃明溪

竹豹腳最能飛食肉幸虧簷下多蝙蝠

河漢橫斜涼露重屋角牽牛點滴鸞梢動巧到天孫無處用

一宵艸艸將郎送一秋至瓜茄猶被龔會近孟蘭畱作僧尼

供昨夜孤魂會入夢鄉愚不獨人愚弄

露溼亾鞵煙拍袂曲折溝渠流出涓涓水紅稻梢頭垂短穗

稗粃結子先搖擺天上月兒如餅大不信中間有箇嫦娥

在樹影婆娑終不改無端喚作蟾宮桂

瞥見黃雲飛隴首秋稼登場堆積如山阜折得茱萸香在手

登高只要柴門口遠近邨春聞杵臼碓粉如霜爭把湯團

拜石山房詞鈔卷三

九

洩杞菊能添翁媪壽陶餅另釀延齡酒

動地濤聲林木外卷去檐茅老屋宜重蓋間道鶴巢知太歲

竹扉開處依方位小圃十弓勤灌溉市得吳鹽巨甕醃寒

菜幾簇籬根霜未敗渾如雪裏芭蕉矮

落葉隨風吹滿地閒煞烏犍日向桑根繫未到夕陽門早閉

打門不怕催租吏甌石可爲終歲計篝火中宵子婦都懼

喜笑據竈觚來說起前邨看得酬神戲

窗紙棱稜風刮破低冨同雲雪片鷺毛墮畱得半盆煨芋火

大家烘手圍欒坐屋外梅萼開幾朵不解尋詩只遣驢推

磨堪笑幽人能忍餓籠鞭側帽谿谿橋過

高陽臺

偕黃霽青太守夏詞仲孝廉譚及滇南某翰林事各

誌一闕

閨苑遲歸旗亭早散相逢人在天橋細馬輕衫堪憐一搦纖  
翳玉堂不作笙歌夢聽鶯閒清漏迢迢問何時繡被篝香共  
度良宵 藥鑪煙裏昏沈睡把黃金鑄淚溼透冰綃渴病難  
醫空教抵死相邀南雲翦紙招魂葬怕吟魂先爲春銷懺情  
根種出夫容莫種櫻桃

行香子

寫懷

擬傷家山流水迴環築得箇茅屋三閒櫻皮亭子杉木闌干  
更種些梅種些竹種些蘭 終日身閒門設常關與他人無  
往無還弟兄歡聚兒女團樂儘把書看把詩詠把琴彈

翠樓吟

拜石山房詞鈔卷三

十

劉芙初編修邀同人作銷寒雅集咏殘菊

紅退闌干青銷羅幕峭風前夜吹白香心渾未減記重九纔  
經過得者番蕭瑟倚半角疏籬一拳瘦石還堪摘幽人蕉萃  
橫簪鬢側 待折供向軍持便孤客無聊也成愁絕霜華能  
禁耐問可似舊時標格空林葉蛻畫慘綠寒煙荒黃斜日會  
相識秋江渺渺夫容木末

喝火令

題王南垞孝廉風雪思子圖

花乳清霜翦珠胎泡影吹殘年風雪上吟髭幽句傷心賦到  
杏塲詩 明慧能言日伶俜學步時衮師嬌美稱家兒記得  
兩丸了角繫紅絲記得簾前抱立手挽玉梅枝

珍珠簾

雪影

輕陰儘釀閒庭院織簾絲剛值斜風初定香冷博山鑪只餘  
灰猶賸認取白描高格畫倩閣住紙窗幽暝相映映几上清  
琴臺邊玉鏡 經他慘入溟濛便幽閒老鶴也迷苔徑錯道  
是梨雲訝幾分寒凝除卻羅浮無好夢擁絮破何人喚醒夜  
靜便孤月飛來讓他淒冷

玲瓏玉

雪聲

靜掩銅環怪幽籟分外蕭蕭閒粵落盡瓦棧幾片輕敲不在  
天風高處在敲斜疏竹清脆寒蕉飄搖休疑他松卷翠濤

何事悠揚短篷與丁東寒漏併做今宵羅幃生塵最堪憐環  
佩人遙縱傳來南枝消息便知是玉梅香坼未抵魂銷只低

拜石山房詞鈔卷三

十一

和唱新詩驢背灞橋

賀新涼

游仙

海色搖空綠早安排陽阿晞髮扶桑濯足弱水茫茫三萬里  
中有閒愁千斛不如種桃鵝滿谷身在紅雲深處住把丹光  
自照山頭屋人世望耿如燭 鞭鸞答鳳相追逐問星官天  
門入直幾時休沐呼吸未能通帝座直算頑仙有福任占得  
陽明句曲嬾與穀城黃石伍一編書挂向班麟角恐當做陰  
符讀

前調

感西青散記所載綃山女子賀雙卿事

惆悵西青記與當年才人斲養飄零一例天使蛾眉成絕代

不信安排無計忍視等邨姑竈婢石爲浣衣亭餉黍任無愁  
少婦銷羅綺香劫在幾時已 雄蜂雌蜺渾閒事最難忘隨  
雅舊曲名雩失意翠繞苕蘿山下路曾見夷光椎髻說一搯  
多情憐婿不怨天桃成錯嫁算今生命短東風裏研贖粉寫  
幽淚

虞美人

紋紗不卷秋痕薄金井鳴姑惡琴心原在碧梧桐譜出清商  
颯颯是西風 乍回涼夢鏡鸞白夢也無從覓屣痕沒了翠  
成堆又隔一層落葉一層苔

湘春夜月

丙子七夕

卷簾遲風光約略年時只是兩鬢愁生不耐晚涼吹收拾盃

拜石山房詞鈔卷二

十一

盤艸艸便上筵箋影都帶參差悵二分簾月寄鍼人杳獨自  
尋詩 迢迢河漢隔悔聘錢十萬買了相思鈿擘釵分算惟  
有南飛烏鵲別恨先知牽牛開後料青繒不翦雙枝頻敲枕  
難成幽夢聽蟲孃瓜架絡盡秋絲

齊天樂

自述

十年奔走長安道全家但營一飽駿馬驕嘶蹇驢避立諸事  
讓他年少才華正妙看水利成書平戎起橐曳履星辰功名  
爭羨致身早 青衫多少塵土更驚沙撲面頭似蓬葆路鬼  
椰揄醉人推罵無語相看一笑最榮懷抱只九隴誅茅五湖  
浮櫂綠樹鶉聲不如歸去好

買陂塘

記事

怪息恩家山咫尺歸程竟被風阻無情惡浪頭俱白底事天  
吳又怒橋畔路恁炫服新妝妒婦津難渡等閒瀝鷺也化作  
冤禽來填恨海幽怨向誰訴 身世事轉眼都如電露須知  
修短有數金釵得葬蓮萼國便勝一坏黃土天色莫想翠羽  
明璫小試淩波步誰歌楚些約他日巫娥神弦理曲莫忘水  
仙譜

沁園春

題蔣再山少府閉門種菜圖

三徑全荒盍亦歸哉貧能久安想生涯冷澹曾爲隱吏頭銜  
落拓雅稱園官抱甕分澆拾筐自翦春韭秋菘任意餐須知  
是英雄本色不比儒酸 門前舊井都督記菜圃鉏來十畝  
寬張瓜畦蕪沒黃銷蜨粉竹籬破壞赤露雞冠世味豬肝光  
陰羊胛大好先生苜蓿盤和根煮全家飽喫無限清歡

少年游

張氏廢園

西園飛蓋東山對奕往事似搏沙糝綠闌敲油紅窗壞燕子  
已無家 兒童來作拋壘戲拾得鳳皇釵骨瘦細桃桃香銷綺  
杏春在野棠鸞

瑣窗寒

霽靑太守以銷寒詩社圖屬題用卷中頻伽詞調賦  
此卽送之官粵東

雪影搖盞風聲卷幔醞寒冰酒朋簪小聚促坐書巢如斗共  
圍鑪撥灰覓句任嘲山字吟肩瘦算年年舊例香溫茶熟些

時消受 曾有新詞鏤恨領袖騷壇不逢黃九

丙子冬余與  
英初琴南諸

君作銷寒詩會時  
太守已出都矣 今番汐社鎮擬尖又同鬪更須圖疏樹斷

泉又添片雲傳妙手

圖爲朱野雲所作今太守  
同里謝石雲亦工畫故云

柰嶺梅玉琢

相思待君開笑口

### 揚州慢

#### 題潘冰蟾女史蘭閨讀書圖

三尺筠簾一規菱鏡蕭然林下風清任調鉛吮墨做不蘸書  
生且靜把畫禪參透迂倪緩范小字題評看香熏辟蠹煙絲  
低裊羅屏 師門回首記當年絳帳傳經羨采芣青繪書鐫  
紫石夙世聰明女史爲朗齋師長女垂髫  
時卽工書畫蓋天授也 重見嬋娟玉潤便  
梅雫也解傷心料雲帆沙鳥而今愁寫蕪城

### 鷓鴣天

#### 拜石山房詞鈔卷三

古

爲冰蟾女史題美人畫幅一調羹一試茶一譜奕一

### 彈琴凡四闋

鼎刻蟠螭水火爭幾人湯聖得傳名只應杜老銀絲鱸堪配  
坡仙玉糝羹 炊紫茜飯香杭寒酸那辦五侯鯖江南鰕菜  
閒風味卻憶船孃素手烹

輕暝輕寒穀雨天一旗初展茗芽煎冰甌乍泛雫閒露瓦銚  
剛生竹外煙 浮蟹眼碾龍團萬松風裏小游仙青蓮舌下  
華池水合占人閒第一泉

曲彙斜廊蔭綠槐疏簾清篔簹費安排微參奕旨閒經濟淨埽  
楸枰小劫灰 頻斂手久低眉稜稜方罨陣雲開狸奴局上  
休翻卻保管金釵賭勝回

一縷微熏艾蒨香平鋪錦薦淨琴張不愁雨後朱絲緩但恐



春初玉筋涼 移徵羽譜宮商哀箏怨瑟滿三湘何如西北  
浮雲外樓上人彈陌上桑

買陂塘

題喬鷺洲茂才宜園讀書圖照

向長安涼棚結夏松篁吹徧幽粉故家喬木橫園裏恍見思  
歸小引滄海近正水氣陰陰漸徧書衣潤生平有恨只萬卷  
丹黃十年鐙火尚有未完本 從今後中祕須教讀盡功名  
莫歎無分兔園冊底尋生活多少諸公袞袞袞袞瘦損總不悔  
鐘中煮字飢難忍百城坐隱看夜祭長恩曉餐脈望帳墨又  
盈寸

齊天樂

籀

余曾購得舊石印一枚劬鐫七律一首詞甚幽雅書

拜石山房詞鈔卷三

五

亦精妙蓋名筆也因括其意爲詞

高人不肯居城市結廬迥非塵境綠樹仙家白雲僧舍差與  
幽棲相近柴門寂靜少入耳喧囂春蛙秋蚓只有流泉潺湲  
石上滿清聽 次山身縱未顯想閉關著述便勝臺省退谷  
來游杯湖任汎何事名心未盡故園堪隱說松桂成林已添  
舊影動我鄉思聲聞夜磬 原詩云去城二十五里近天遣  
夏涼冬暖總宜人巖中清磬隔起定洞口綠樹  
仙家春惜哉次山世未顯不得雄文鏡翠珉

喝火令

施芝年屬題妙蓮小影

綠綺傳三疊黃絕鬪六銖閒繙貝葉幾行書澹澹眉痕學畫  
淺文殊 水月能圓否空琴得果無迎陵消息近何如只恐  
牟尼暗招又乘除只恐牟尼暗招清淚滴成珠

金縷曲

題楊孝女遺照

孝女毘陵人賈劄緘粵養母守志不嫁余從琉璃廠畫肆中市得之題有

吾鄉施雪帆七古一首備見顛末因賦此闕求世之工詩詞者共詠歌之

爲有烏私在，何教隨秦臺伴。侶吹簫鸞背，比似木蘭當戶。織幾縷唾絨窗外，還勝是隋宮翦采。綉簇錦窠，饒活色一枝枝。贏得嬋娟愛，從賣與鬢邊戴。羅囊詎要宜男，佩祝高堂桑榆晚景。朱顏休改，簾幕西風，吹短燭灑上一襟紅淚。看松柏蕭蕭寒翠，負土山頭封馬鬣。比冤禽、木石填東海，須黃絹製碑詠。

拜石山房詞鈔卷三

六

拜石山房詞鈔卷三

拜石山房詞鈔卷四

無錫顧翰萊塘著

仁和許增邁孫采

南鄉子

調兩幼女

襦袴錦班闌左右牽衣不冝開小手折筇偷照鏡鸞彎菱角  
教人作兩鬢聽說念家山笑問家鄉可便還卻似嬰哥初  
翦舌關關也學參軍語帶蠻

高陽臺

寄蘭厓弟於吳門

短簫荒祠長洲茂苑中宵煙夢迢迢倦旅天涯十年不到桐  
橋淺斟低唱知多少念伊人獨自吹簫恨蘇臺春艸生時猶

拜石山房詞鈔卷四

一

映青袍

袖中檢點新詩本想近來行卷已似牛膏咫尺家

山誰知負米偏勞高堂白髮身還健李長安客鬢蕭騷問何  
時抵足吳船聽雨瀟瀟

鵲踏枝

丁亥寒食

簾外春陰天似墨人在天涯十載逢寒食細雨連朝風側側  
杏萼只是無消息欲上高樓無氣力倦倚羅屏畫裏看山  
色一縷癡情忘不得夢中飛入烏衣國

大江東去

贈鄒伯勛千戶

論兵慷慨還能記年少場中結客艸淺平原盤硬馬手挽雕  
弓霹靂耳後生風鼻尖出火渴飲黃虜血封侯萬里立功須

向沙磧 是何髀肉漸生壯懷頓減傷朱門冷炙顧汝雄姿  
猶颯爽未有鬚髯如戟瀚海飛書邊城畫角虜響刀頭鐵拂  
衣起舞驚禽繞樹磔磔

滿江紅

游龍泉寺

佛日光中何處聚篆煙成塔寺門外白雲遮斷綠陰周匝八  
德水甘清可飲三摩地迴平堪蹋聽四圍殿角颼風鈴聲相  
奮 長被冷如禪榻征衫破如僧衲便橫陳帳裏也同嚼蠟  
浮世眞無行樂處空王賴有安心法羨杏萼先受戒香熏軍  
持插

玲瓏玉

和陳石土宮詹早起喜雪原韵

拜石山房詞鈔卷四

二

碎翦冰綃向空外飛作瑤瓊瓊田萬頃宛然玉有根芽紙閣  
清如僧院笑併無木佛燒比丹霞些些恁晶鹽賺得羊車

我縱吟肩高聳媿袁生僵臥風骨堪誇

宮詹詞中有袁安高臥之句益指余而言

寒洹南枝問梅緘先坼誰家尋詩惟宜驢背應不羨驕嘶陌  
上白鼻名駒卻疑是對松壺重展畫叉

宮詹有松壺看雪圖會屬題句

貂裘換酒

賀族叔晴芬少司農 恩賜紫禁城騎馬

小雪輕陰作正庭前梅枝香逗先開幾朵白鶴忽銜丹詔至  
溼帶九天珠唾賜寶馬耆臣穩坐去踏一條龍尾道五雲中  
樓閣捎鞭過聽禁漏共鳴和 趨曹畫諾多僚佐論官階而  
今已是起居八座曳履猶聞聲橐橐未許爭馳玉馱想劔佩  
衝寒無那須到杏萼春意鬧悟先生福分由來大金甌卜預

堪賀

木蘭鸞慢

津門官舍晤表姊楊蕊淵夫人暨表姪女佩珍女士

爲賦此闕

都門誰祖道回古汴過丁沽看書卷蕭疏衣裝儉薄雅稱單  
車暫借槐廳銷夏有綠陰可愛卽吾廬何況登梓俊味令人  
不歎無魚 崔盧情誼未生疏客氣儘刪除羨風流仙眷楊  
家妹子姪又從姑快覩玉臺新咏便江山勝對六朝餘但惜  
黃塵席帽依然離別須臾

鵲踏枝

以竹畦畫山水幅貽蕊淵屬題其上

石插江中青幾片綠樹沈沈氣候陰晴變艸閣拓開窗四面

拜石山房詞鈔卷四

三

坐看水色明如練 漚鳥忘機長不見飛去飛來只有銜泥  
燕斜日闌干簾半卷梅風何處侵紈扇

高陽臺

蕊淵屬題琴清閣圖照

偶仿迴文頻鈔韻本蠹魚閒笑書癡嬾掃眉痕寫停班管雙  
枝芭蕉只合晴天種奈秋來小雨漸漸幸深宵煮藥香多強  
自支持 綠塵鎮日棲羅薦怪七條寒玉又挂蟲絲流水無  
聲悵悵琴德誰知嫩涼正好拋團扇剔釭鸞細琢新詞看窗  
前鵲鏡光清似月圓時

南樓令

大題佩珍女士山水冊六闕

春色渺無邊湖荒種蛤田而今誰似石湖仙只有漁家人最

樂楊柳岸起炊煙 客路儘堪憐  
風塵悔著鞭 不知歸去在  
何年 買箇江南平底艇 閒伴那白漚眠

遠岫擁危屏 煙螺分外青  
蕭疏古木似支硎 近日山家添白  
蓋 新縛箇小茅亭 幽絕少人經  
斜陽照眼 明秋光俯映水  
空靈 若比杯湖誰可汎 須寫著道州銘

宿雨溼茅檐 微風颺酒帘  
似嫌山翠太嶮巖 一片白雲橫截  
住 剛露出數峰尖 衣到晚來添  
芒屨 艸色黏高松 歷歷盡  
蒼髯 怪有清光遮不斷 新月上兩頭纖

山下記經行 山椒勢漸平  
煙中禳樹不知名 南北兩垞間過  
往 支一木小橋橫 谿畔雨初晴  
芹芽傷水生 艸堂纔構兩  
三楹 節候早知春社近 梁上燕賀巢成

流水日潺湲 分明小輞川  
秋林併少古藤纏 正值人家收粟  
拜石山房詞鈔卷四 四

後餘翠繭樹梢圓 木榻坐來穿  
如參白足禪 柴扉兩版屋  
三椽 不用長竿驅鳥雀 只聽得數聲蟬

空翠溼衣襟 煙嵐起夕陰  
誰敲銅枕學龍吟 謾謾圓濤天半  
落 還認作海潮音 堪愛入山深  
全無俗慮侵 烏皮短几坐  
橫琴 漫撫朱弦彈一曲 驚飛了竹間禽

賀新涼

華生心悟以令祖吉厓丈蒼茫獨立圖屬題

妙墨高懷 寄看蕭疏雲林畫  
本杜陵詩意 藜杖幅巾人獨立  
直恁冷清清 地有遠雁一繩飛  
起帶著暝雅三四點 似凝神  
落筆蒼茫 際將咫尺論萬里  
能添老樹顛厓 裏想當年抱  
來膝上 掀髯而喜 今日范喬知  
奉研手澤 所存無幾 縱大米  
還生小米 藝苑儘多名父子  
說祖風難得孫 能繼將此幅慎

藏弄

漁家傲

己丑仲夏將由津門至保陽慈淵諗予曰是有澗湖可沂而往也乃買小舸坐臥其中凡五日始達而其間可網而漁可耒而田終年稻蟹不絕居民之託業者甚眾至若沙水之明瑟林木之蒼秀泳鱗翔羽咸來親人雖吾鄉具區笠澤之勝亦不是過獨惜無畸人放士如天隨甫里者作詩張之乃因水窗無事譜漁家傲十闕以遺榜人

邨舍溟濛煙水裏遠看綠樹多於薺舉網只求先得鯉鱗鬻細盈筐白雪輕刀鱗儻許浮家如甫里目前不用商歸計以斗量魚堪換米炊香起飯管挂在蜻蛉尾

拜石山房詞鈔卷四

五

到處煙波稱釣客鑑湖底事須陳乞好向白漚分片席從今夕盟言寫上青蘆葉卅載征衫塵土積不如此地尋蓑笠買箇釣船長八尺堪浮楫短柁何必松陵驛

四面清波圍匝匝田家也有宣防法引入谿流如放闌秧針插翻翻龍骨何須躡境僻不嫌人襍還開門儘把湖光納一架薔薇鸞欲壓餘香啞曲闌多少呼名鬻

氣候清和猶未熱楊鸞吹過河鮑雪新水滿陂魚子活誰還說世間名士多於鯽酒戶評量如我窄臘醅何用紅泥圻貰得邨醪三四合紗巾漉也同人面天然白

架箇罾牀危欲墮沙邊尙有餘鸞安曲港鸞環船振柁蓬窗過蒲梢出水長於我飯罷雕菰無事坐波光綠淨知難唾風味最憐鰕女可微微火水晶人換紅羅裏

已覺前山純浸黛菰蘆又見交生翠我叩兩舷歌小海歌聲  
脆也防驚起魚龍睡淺淺船唇低壓水不愁鷓首因風退  
波底夕陽光瑣碎雙橈快試看搖上金雅背

驪駒重陰雲四布忽然當天將暮急雨灑空如萬弩狂飈  
助雷公定要黃蛇捕我恨漏天無石補回頭不見來時路  
三尺浪高青艸渡蛙聲怒那分答臘都曇部

矴石忽移真可愕誰知送向沙洲泊四野水雲天漠漠舟如  
屋分明寒土蘆中宿漫說輕綃圍夜玉篝鐙便算光明燭  
窗外似栽千个竹聲蕭簌一宵涼夢和煙綠

節近端陽天氣好紅樞屋角都開了邨女插篔簹水照風鬟  
裊波光搖動釵符小選箇樹陰纔穰擢蓬窗書本兒童笑  
說與先生渾不曉波神廟聲聲簫鼓風吹到

拜石山房詞鈔卷四

六

照眼波光書字細眼前好景吾能記蓮葉田田三百里風吹  
遞冷香已沁詩人肺茶竈筆牀堪料理只無一事忤人意  
玉鏡光中成獨倚思量起柁樓少個雙丫髻

減字木蘭萼

曉發清風鎮

安眠一霎車卒趁涼催曉發月乍趁西雞在鄰家樹上嗁  
兩三人坐當做野航何不可艸露微光認是蒹葭葉上霜  
四更三點戍鼓劇於聞漏箭去便恩恩豈有琵琶曲未終  
秀支劬禿鈴語居然宮角忽換商聲又似新翻樂府成  
荒沙自白楊葉亂搖聲瑟瑟羊角風旋殺懸眞疑飛上天  
涼螢幾箇艸際星如鬼火石臥麒麟照見前朝卿相墳  
前途幾里驛路有牌須暗記看不分明月挂松梢黯黯青



夜行不禁古戍烽煙知久靖壁畫弓刀戰壘雖平隻堠高

望江南

主講平泉寓齋岑寂因念故鄉風景綴爲小詞以遣  
長夏

吾鄉好寄暢好園林萬箇幽篁鬢石畔千章喬木畫樓陰流  
水女環琴

吾鄉好故里記春申三面碧山詩老社一行錦樹麗人墳艸  
色綠羅裙

吾鄉好帆影落尊前曲水抱城羅帶緩浮圖隔樹筆鋒尖詩  
思坐來添

吾鄉好必殺冷游人陌上雕鞍嘶驥裏山頭高冢臥麒麟  
柳一般春

拜石山房詞鈔卷四

七

吾鄉好最好小兒郎市上看燈紅菡萏街頭騎馬翠篔簹  
下捉迷藏

吾鄉好不減若耶谿鹿眼籬邊茅屋矮餅桃粿外畫橋低微  
雨鶉鳩嘯

吾鄉好到處足清幽藤笈負書山寺讀木瓢貯酒水居游黃  
葉滿林秋

吾鄉好古殿翠微閒柳栗擔經僧出寺團蒲拜佛容朝山清  
梵隔禪關

吾鄉好眞觀夜香焚竹殿然鐙祠斗姥松壇設醮禮茅君鸞  
尾掃秋雲

吾鄉好庭院露華香芳艸似逢今屈宋名粵如對古姬姜鄰  
樹綠窺牆

吾鄉好徙倚小房櫳煙樹樓頭暝鳥露鸞闌角聽秋蟲開  
到雁來紅

吾鄉好結箇海棠巢蠹殼窗兒明似練鰕鬚簾子薄於綃閒  
畫雪中蕉

吾鄉好几席點塵無裏裏杭州班竹扇案頭陽羨白沙壺宋  
版舊藏書

吾鄉好平地玉爲沙雪水半餅煎茗艸寒雲滿研賦梅鴛不  
趁酒人家

風入松

題潘絳庭公子睡香琴室填詞圖

忽風忽雨最無端春事又闌珊世閒更有傷春客比春蠶自  
把絲纏春水關卿何事爲伊招徧闌干 鏤冰珠月費雕剗

拜石山房詞鈔卷四

八

嘔出好心肝蠹魚走上銀藤紙笑鴛邊胡蝶成團鏡影照誰  
無睡香衾昨夜春寒

百字令

題林東谿少府醉紅山館圖

西風幾日把家山吹澹數峰晴翠兩版斜屏疏樹衰茅屋新  
添白蓋紫茱調羹紅蚶佐酒記傷楓人醉功名難肋不知情  
味安在似我三徑全荒頭銜如昨鬢髮蒼然改著破青衫  
霜葉冷更漬一分秋淚地接龍亢江鄰牛渚便算投金瀨鱸  
鄉入夢扁舟何日同載

夏初臨

題趙梅塘田園樂意圖

碧玉谿流綠楊城郭舊游回首都非桑柘陰濃故園風景依

依青鞵布韞閒時候  
卽枝到處堪攜  
鞵緘繡偏水田漠漠  
一片僧衣  
江天極目紛紛  
倦羽都解南飛  
莎弓射鬢柳鞭叱

憤偏我心迹相違  
好年光已近斜暉  
莫遲回鑑湖乞得  
單舸

先歸時梅塘將歸山陰

### 沁園春

題莊翁叔茂才獨立圖照用自題原韵

塵海茫茫溷迹其間  
云胡不哀恁忽風忽雨  
愁眉易鎖傷春  
傷別笑口難開  
北里笙竽東門鐘鼓  
百感都從肺腑  
來除非  
向荒山跨虎逞爾狂才  
重尋皖伯高臺  
似枳棘叢中  
見古梅歎蟻封寸土  
詎堪旋馬麟洲  
小水僅足容杯  
氣熱呵雲酒  
酣喝月倒後  
洪流要挽回揚帆去語  
江頭漚鷺莫便驚猜

鳳皇臺上憶吹簫

### 拜石山房詞鈔卷四

九

如皋冒辟疆以勝國之逸民作騷壇之宗主  
跌宕文酒消搖林壑  
歌僮則楊枝紫雲  
侍姬則曉珠小宛  
吹粵嚕蕊吮墨調鉛  
播在藝林  
傳諸畫苑  
久矣曹玉水  
司馬於皖江購得一卷有樓臺粵木之勝  
末題水繪園  
女史蔡含寫意  
卽辟疆水繪園圖  
高閣倚煙平臺  
貯月鉤心  
鬪角錯采  
鏤金因樹爲屋  
知稱樸筆  
疊石成山  
儼見鶴峙  
餘若所謂小三吾湘中閣者  
亦皆歷歷見焉  
按國朝畫徵錄  
蔡字女羅  
蘇州吳縣人  
爲辟疆側室  
善畫山水  
人物尤長於臨摹  
以知光連參  
鼻無有差池  
巧鬪尹邢  
不分軒輊  
蔡亦金董之亞  
匹也  
第蔡爲吳人  
司馬亦家於吳  
獨購得之  
豈人能擇  
主畫亦通靈珠  
玉不患闇投  
緹錦必爲什襲  
遇之固

有緣得之亦有數耶司馬他日言旋珂里早解蘭纓  
烏嘯短簿之祠零落眞孃之墓持此以誇示吳儂以  
見羅綺中大人允足爲湖山生色也爰識數語并  
系以詞

射雉荒皋唳鷓鴣故國搏沙客散多年料鶯枝酒淺一例都捐  
安得樓臺金粉夕陽影猶挂秋千還重認名流修禊舊日林  
泉堪憐十眉失翠便雙成女伴均已游仙恁樸巢鶴峙亭  
榭依然賴有深閨弱腕鋪繭紙渲染精妍知不數好嬉倒印  
映竹窗前

臨江仙

上已禊憶

憶昔故園過上巳鬢齡未解相思桃粵掩冉過牆枝十三嬌  
拜石山房詞鈔卷四

十

女戲覆額有青絲盼到斜陽纔下學頗嫌春日遲遲一編  
風雅誦毛詩不知溱與洧記取采蘭時

憶昔故鄉過上巳蓉湖春水初生水邊多少好園亭垂楊纔  
作綫淺綠已巢鷺白恰少年三五輩只無雙髻吹笙研螺  
試仿麗人行畫闌紅一角堪愛夕陽明

憶昔金陵過上巳白門柳依依笑他王謝舊烏衣向人茅  
屋上來往引雛飛拂拭窗塵安筆研書聲每度雙扉一枝  
紅瘦雨添肥餅桃初吐萼相對便忘飢

憶昔杭州過上巳三年人住西冷自硯繭紙寫蘭亭波光衣  
上綠山色酒中青舞影歌聲都散去六橋煙柳冥冥扁舟  
歸去繞南屏一彎眉樣月隔樹影瓏玲

憶昔揚州過上巳有誰修禊紅橋鬢絲禪榻太無聊二分

月底閒品廣陵簫 芳艸渡江隨意綠橫斜不似菰菁淚痕  
彈上美人蕉碧紗窗裏聽錯認雨瀟瀟  
憶昔巴江過上巳春郊蠻榼同攜前有人隔水鸞谿臨流思  
躍馬愁宛錦障泥 縱使批杷門巷改僻濤箋小堪題漫天  
風絮太淒迷陰陰深樹裏不住子規啼

百字令

題蔡小石太史官閣詠寒圖

濠梁當日記輕陰釀雪初交三九炙研松寮堪自暝十指何  
妨出衷乍展苔牋又拈筠管寫斂薑芽手吟朋三兩尖又相  
約同鬪 我今身做麤官鐙前琢句依舊山肩瘦怎似玉堂  
清夢好入夜冷香吹逗百本梅萼二分明月不羨揚州守銷  
寒乞假他年韵事還又

拜石山房詞鈔卷四

七

買陂塘

題唐湘帆茂才松陵譜曲圖照

溯流光扁舟笠澤谿山不數林屋青螺合向銀盤貯難得箇  
人如玉蟬鬢薄有嵐翠飛來添染秋蛾綠龍吟試學笑慣唱  
瀟瀟矣孃草雨篷底聽嘗熟 圖中認上有石梁懸瀑豈非  
窈窕空谷倩誰喚起天邊月照我船頭吹竹松謔謔恐響邊  
行雲驚醒雙棲鶴盟漚廿六待網得西施煙波一櫂相訪鑑  
湖曲

齊天樂

咏團扇和錢小南上舍

前身明月成圓相依然一輪光滿簾影如塵簞紋似水未要  
荷傘措汗煙鬢半顛問撲得流螢幾番嬌喘倚立梧桐夜深

恐有露華染 長門自多淒怨 篋中非棄置 節序偷換宛轉  
當宵低徊障面等是北風雲 漢日長人倦 便寫首迴文泥他  
書款澹墨 敲斜不隨秋雁斷

荷葉杯

閨意

昔日寶釵樓上相傍 同把好山看 一雙羅衷倚闌 千細雨不  
知寒 今夜水沈金獸薰 透翠被 繡鴛鴦 無如迷迭 與都梁  
總是惱人香

浣谿紗

題小石太史乞巧圖

澹澹衣裳薄薄羅 一年風景又秋河 枉將心事託雲波 天  
上樓臺殊縹緲 人閒歲月易蹉跎 南飛烏鵲奈伊何

拜石山房詞鈔卷四

三

賀新涼

讀眉叔迎齡詞題贈

試問春深淺 好年光 逝如流水 還如流電 蛺蝶飛來尋舊夢  
惆悵綠陰一片 且莫論 肥環瘦燕 聞道明妃 猶未嫁 繡羅衣  
又壓誰家綫 宜早副 六宮選 新詞合付紅牙 點那教他藥  
鑪經卷等閒消遣 擬託微波 通密意 無奈深深庭院 要畫向  
生綃團扇 好令江城 諸士女 向風前 爭識佳人 面將韻事 盛  
傳徧

和作

莊縉度

眉叔

九陌黃塵淺 向長安 車如流水 馬如飛電 昨日斜陽 今日  
雨 做盡淚絲 鸞片 恐誤了 鬢金雙燕 如此樓臺 春世界 恨  
紅襟 只繫佳人 綫 尋舊夢 畫梁 暈 幽篔掩 露珠 千點 伴

溪閣一雙翠裏暗愁難遣試問天邊睂樣月去照誰家庭  
院且莫咏秋風團扇製就齊紈光皎潔便攜來障得疑酥  
面研妙墨好題徧

高陽臺

咏同心蘭和小石太史韵

淺碧簾櫳冷紅池閣涼粵次第吹開迢遞湘川國香底事能  
來天涯舊雨兼新雨屐痕深印破苔階細尋思人似幽鷗  
似幽懷夕陽無限王孫艸任同根竝蒂暝翠相偎兩小無  
嫌遶牀記弄青梅一般綺障銷除盡抱芳心好比珠胎試拈  
看不傷蓬壺卽傷蓮臺

百字令

小石太史旣敘余詞復賦此調於後獎借逾分媿不

拜石山房詞鈔卷四

三

克當因用原韵畲謝

漫空飛絮將韶華艸艸暗中吹度淺笑深顰都不是別有傷  
心無數湘水招魂楚雲贈夢冷落題紅句口銜石闕幽懷脈  
脈難訴鎮擬射虎藍田鞭鯨碧海披髮翩然去不信人間  
窮賈島也有黃金能鑄月貌嬋娟風鬟婀娜寫學邯鄲步直  
因曲誤反邀青眼相顧

擊梧桐

宋子庭大令賦延秋詞小石和之余亦繼作

日影纔過午人正倦何計銷他殘暑七尺疏簾卷蔭檐隙只  
有桐垂細乳蘭芽短短竹枝嫋嫋漫道綠天可補最怪纖雲  
起化碧煙散去幾會飛雨芳艸隄邊夕陽樓角那省來從  
何處卻到人心上別恨外另釀一番情緒我獨爲誰延伫斷

垣苔縱聽亂蛩絮語似東牆悲秋宋玉無限淒楚

洞庭春色

姚邗生府倅以雲水光中洗眼來詩意作圖蓋佛家上乘禪也余以鈍根人下一轉語聊相印證未知於意云何

可怪天公生人兩眼多帶模黏便爛如巖電未離色障朗如秋月莫辨元珠袖底淋漓翻墨汁慣寫作江天欲雨圖圖成後看煙雲明滅疑有疑無此番見君畫卷覺精神澡雪勝坐冰壺念水晶眼夢都非實在琉璃世界本屬空虛但願雙眸常炯炯好讀徧牛毛細字書從今日任心游目想邃古之初

貂裘換酒

拜石山房詞鈔卷四

古

題蔡友石廉訪北峽關晴雪圖

曉日團雲罅望遙天晴光解駁冷光激射平地玉沙深一丈峽勢尤爭險隘有幾處荒涼驛舍徹夜西風重整過水晶釘覆上琉璃瓦梅與竹秀而野肩輿穩比雕鞍跨更何論灞橋策蹇淖沓躍馬紅粉油衫黃紵褶騎從也都閒雅只豔煞挑雪撥叱僮倅何人前負弩繡弓衣寫入生綃畫知不要望塵拜

臺城路

題友石廉訪喜雨酣春圖

買來不費中人賦名琴記會親植繡幕低垂闌干淺護認取數叢深色春風巷陌歎舊事揚州而今休說禪榻茶煙有誰頂禮藥師佛將離莫教折贈看杯斟婪尾大好畱客翻砌



紅媽隔簾香潤一片輕陰如墨天然麗質便金帶圍圓未爲  
雕飾聽雨聲酣解頤同繭麥

拜石山房詞鈔卷四

五

拜石山房詞鈔卷四終

